

中國方志叢書·華北地方·第十一號

據清·李傅熙等纂修
光緒三十四年刊本
影印

山東省

肥城縣鄉土志

(全)

咸文出版社印行



10107794

中華民國五十七年三月壹版

肥城縣鄉土志

定價：新台幣一六〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號
電話：九二二〇一〇號

印刷者：**東亞製本所**

臺北市中華路一〇三巷二七號

版權所有

內政部登記證內版臺業字第一一四七號

光緒三十四年戊申菊月

肥城縣鄉土志

桐城鍾樹森續修

裁定

肥城

縣

知

縣

鍾

樹

森

纂修

優

廩

生

李

傳

煦

優

附

生

田

重

堯

增

生

陰

炳

煥

校閱

試

用

訓

導

尹

祚

章

今上御極之三十二年

詔罷科舉州縣立小學越時學部復以鄉土志之編通飭天下次定門類義例俾纂輯者軌循之適余捧檄蒞茲土自維疏漏百務待理恐屬辭未當無以副上意儲下用爰集邑之諸生蒐羅調查舉凡歷史政績兵事耆舊人類地理物產商業諸大端沿革興廢悉著於篇為綱八為目二十八為卷八三閱月書成將付印余維歐風東扇學術朋興一識時之俊率驚於大而捐其細抵掌華屋動談全球及進而叩其里街之形勢人事之消長土產之豐絀憤然者比比也以此而欲周知國勢洞悉內情是猶曲表而求直影濁源而冀清流也庸有濟乎邑之學子得是編以為先導而又蒼萃泰東西諸學說研究而會通之以植立憲自治之基馴為異日遠大之用庶幾副

聖天子銳意興學之盛舉也乎桐城鍾樹森序

肥城縣鄉土志目錄

卷之一

圖考 肥城全境圖

肥城縣轄黃河圖

卷之二

歷史

卷之三

政績錄 典利

去害

聽訟

卷之四

兵事錄

附 兵防

卷之五

耆舊錄

先賢名儒
名宦祠附

名臣循吏
鄉賢祠附

忠節 獨行
忠義孝弟祠附

儒林 流寓附
節烈祠附

卷之六

卷之七

人類 戶口 田賦 鹽法 氏族 宗教 實業

卷之七

地理 古蹟 附金石 祠廟 坊表 橋梁 學堂 山水 道路

卷之八

物產

卷之九


商務

肥城全境圖

東至泰安縣界二十五里

北至濟南府南長縣界十二里

南至泰安縣界十六里



西至平陰縣界四十里

城長

廟家陳

五峰山

峽石

山子孫

山塔

河肥

山尾石

嶺橫

鎮小

嶺山迷

嶺山

清泉

嶺山

嶺山

嶺山

嶺山

山重仁

山嶺

托香泉

風雨亭

柳河泉

泉馬

三泉

水家泉

王家泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山泉

山

鄉土志卷之二

歷史

本境建置年代

漢書地理志泰山郡有肥成縣應劭所謂肥子國也昔樂正子春謂其弟子曰子適齊過肥肥有君子焉此本境見於載籍之始秦漢以還代有沿革及元至元十年始置縣城由明以迄國朝悉仍其舊惟統屬為稍異耳

未置本境以前唐虞夏商周所屬之州

堯之時禹分九州攷之地理今釋肥城北境屬青州之域南境屬徐州之域舜肇有十二州分青之東北為營州則肥固仍屬青徐二州迨夏併營於青復為九州肥之屬青徐如故也至商但言九圍九有實亦分為九州以統天下

馬端臨文獻通考商湯受命亦為九州

故漢書地理志曰殷因於夏亡所變改迨

月
周併徐入青分青入兗職方氏所列已漸變禹跡之舊乃爾雅釋地則併青於徐九州之名有幽營而無梁青孫氏炎以爾雅之文與職方禹貢並皆不同疑為殷制而兗與漢書文獻通攷不甚相符總之肥之在商據爾雅則屬徐據漢書則仍屬青縣志載屬於營州恐未確洎乎成周則地始名肥而實屬於兗矣蓋自周公封魯合徐兗為魯境顧祖禹讀史方輿紀要引管子云長城以南魯也縣境北有長城嶺則肥之屬兗無疑

春秋戰國所屬之國

肥在春秋蓋屬於齊魯兩國之間桓三年公會齊侯於讙杜注云魯地在肥城春秋索纂莊十三年齊人滅遂杜注云在肥城甯陽桓處杜注云在肥城成三年叔孫杜注云在肥城云在肥城
僑如圍棘杜注棘在肥城襄二十二年宣叔娶於鑄杜注鑄在肥城
鑄國蛇邱縣所治今皆魯地也襄十八年齊禦晉於平陰注在盧縣東北
縣境西南有故城
平陰城當在
今廣里北
塹防門而守之廣里杜注平陰有防頭廣里即今之廣里防晉

以中軍克京益

杜注在平陰南
今肥城西北境

以下軍克部

杜注在平陰西
廣里東有部山

今皆齊境也

厥後魯日寢弱陵夷至昭定齊屢侵魯汶陽夫汶在肥境南尚被侵伐則

知未至戰國肥境之屬於魯者已漸入於齊矣及七雄並峙魯為楚滅齊

之版圖南至亢父蘇秦曰經亢父之險則肥在戰國屬齊又無待紛紛置

辨云蘇志載戰國之肥
境屬魯地未確

秦漢以降歷代所屬郡縣之名

自秦易封建為郡縣分兗青徐三州之地為齊郡而縣境屬焉漢興始置

肥城漢書作肥邱縣在泰安肥城接壤處兼治肥之南境皆屬泰安

郡隸於兗州後漢無所變革章帝末以肥城省入盧而南境仍為蛇邱所

治屬濟北國隸兗州至三國時中原皆為魏地郡縣悉仍漢舊及晉武統

一天下盧縣仍屬濟北國而隸於兗州自是以後南北分裂置廢無常承

嘉之末兗州諸郡縣陷於石勒雖南宋武帝時復有其地未幾又為元魏

所據孝昌三年復置肥城屬東濟北郡隸於濟州魏書地志東平郡屬

屬有富城有左印明塚按本境在魏似為肥城富城二縣所治故附記於此以備考証高齊時隸於濟州宇文氏興

肥城升而為郡隸於濟州及隋復廢郡置縣屬濟州隸兗州迨唐分天下

為十道肥城又屬魯郡隸河南道兗州武德五年屬東秦州終唐一代屢有廢置先

省入博城貞觀元年旋改曰乾封乾封元年復改為博城總章元年終改為乾封神龍元年歷

五代皆為乾封屬兗州宋初因之至宣和九年始分乾封以東置奉符縣

即今泰安縣分乾封以西益入平陰縣屬東平郡鄆州隸京東路蓋於今之平

陰縣合而為一也金仍宋舊改屬東平府隸山東西路沿及元世祖至元

十年乃分平陰地為置本境之始屬濟寧路隸山東東西道前明改屬濟

南府隸山東布政使司至國朝雍正十二年改屬泰安州十三年又升

州為府而肥城縣境悉仍元代初置之方域分為四鄉三十三社攷疆界

者所不可不周知也

鄉土志卷之三

政績錄

興利

元

抹漢即趙珪至元十年監肥城創立縣治用奠民居賑饑荒興學校甚有
惠政先是民輸賦於府往來數百里道經鹽河值夏月霖潦民多病涉乃
立園併庫於縣以便民尤喜延攬賢士折節寒素當時有平原君之稱焉
去後民立遺愛碑以頌其德祀名宦祠

明

邱思濟洪武二年為邑令建置學宮壇廟用民力而不勞以清謹稱陞陝
西參議

鄭維邦福建閩縣人嘉靖間以舉人為邑令平賦紓困禦災除惡養老興

學民感德之中丞李邦珍為之撰去思碑焉

馬經綸字主一直隸通州人萬厯間以進士為邑令有文名所造就士甚多邑舊係磚城且圯經綸為易以石至今賴之祀名宦祠

王惟精陝西朝城人天啟間以舉人為邑令愛民如子尤崇學校延邑生童恒自課之貧不能自存者每給以薪米多方培植兼精書畫今有收藏之者

李衡聊城人以歲貢為邑教諭因材示教多所成就無嗣年八十一卒於官門人葬於城東歲祀之越二百年諸生尹相湯捐田三十畝為祭田尤稱好義云

張濂南直人為邑教諭課士有方迎養雙親以孝聞後附籍於邑二子謙謹皆登科第濂以謹贈左布政使

國朝

尹 任直隸棗強縣人康熙七年以進士為邑令省刑薄歛節用愛人葺學宮重儒士有古良吏風

李振淮雲南人乾隆三十八年以舉人署邑令冲和淡泊守正不阿開誠布公人不敢欺故以持身禮以待士慈以撫民在肥數月及其去也父老攀轅卧轍擁不得行至留其冠履高懸城南門邑人敬禮之

盧聖存廣東東莞縣人乾隆十一年以進士為邑令不挈妻孥七千里外孑然一身尚儉廉不受苞苴慈祥愛民尤喜進文士立書院延師訓課有古儒吏風

張運長道光時以舉人為邑訓導性豪爽尚義邑舊無考棚逢縣試皆於鸞翔書院搭蓋蘆棚士子自備几座人若其不便甫履任即集邑之紳衿耆舊議立號舍先捐廉以為之倡親自督工不辭勞瘁數月而成後雖拓而廣之實皆其創始之力也

吳樹聲雲南保山縣人咸豐三年以舉人署邑令慈惠愛民時粵寇踞江甯甫下車見縣城坍塌即倡捐修築親督工於烈日之中工甫就而去任越六年皖賊至鄰縣相繼淪沒肥以城完賊至不得入引去所全活無算民至今感之祀名宦祠

張元興字瀛賓膠州人道光間以舉人為邑訓導品學兼優履任即以月課為急務受業者恒十餘人時勉人以孝友戒人以爭訟逢鄉試年立會於學署講論至夜達旦不倦也諸生有饋遺堅却不受任滿告歸諸生具稟於縣留之李邑侯再三敦勸不得乃作歸田錄諸生製屏送之楊延俊字菊仙江蘇金匱縣人咸豐間以進士為邑令政尚寬宏尤愛士每月課必自擬數篇以為法程刊鸞翔書院課藝遠近風行時粵賊踞馮官屯去邑百餘里兵差絡繹出差募勇皆捐廉舉債不以累民至今士民思之祀名宦祠

鄧承照字香聽順天大興縣人咸豐五年以舉人署邑令崇尚勤儉廉幹仁明案無留牘時樵匪未平軍書旁午承照籌防禦撫流亡邑境賴以保全去任後主講鸞翔書院所造就士甚多又捐廉俸置地百畝以作鸞翔書院常年經費至今士民思之如甘棠遺愛云

陳恩奮字震青湖北孝感縣人光緒二十八年以舉人署邑令廉介端方政簡刑清尤愛士延諸生之秀者捐廉俸厚給膏火政暇輒親加訓迪督課如塾師所成就士甚多蒞任一年風氣為之一變至今士民尤稱頌不置

去害

全

劉素字彥高燕城人為邑令時邑省入平陰縣有詐名貢獻者往來侵漁百姓苦之索燭其姦繩以法蒞任三載流民復業者數十家去任後

李之紹為之撰遺愛頌焉

明

張守和河南滎池縣人宏治間以舉人為邑令性嚴毅人未嘗見喜色鋤強植弱令行禁止盜賊屏跡

劉贊直隸宣城縣人正德間為邑令邑有巨惡為民害贊至置諸法由是豪強斂迹

萬鵬程直隸順義人嘉靖間以舉人為邑令甫下車即定兩稅寬馬銀以蘇民困繼乃理囂訟禁蒞博省晏會興學校民畏而懷之去後為立生祠都憲李邦珍為之撰生祠記焉

國朝

牛思凝字方巖直隸靜海縣人乾隆十一年以進士為邑令明敏善斷以整厲風俗為務除暴安良吏民畏懼尤善鍾王書至今存者皆珍重之

顏懋价字介子曲阜縣人本復聖裔乾隆間以拔貢為邑教諭風流爾雅冠絕當時善飲酒能詩工書還於理學作喪葬正俗說以止流弊真有功於名教者

楊績時河南武安縣人乾隆十五年以進士為邑令執法嚴峻歲大饑搶竊時聞相戒不敢入縣境民皆安堵更捐廉俸勸邑中富戶施米數千石設粥廠以飼貧窮賴以存活者甚眾恩威並用吏民悅服

李翼清字念茲江蘇武進縣人咸豐間以監生為邑令風裁嚴峻明敏善斷決獄如神剔弊釐奸吏民肅然不敢犯盜賊斂迹時有夜不閉戶之稱尤興學愛士嘗倡捐修鸞翔書院三次蒞肥七年善政不勝枚舉至令父老猶樂道其軼事稱為李青天云

金猷太字升卿浙江秀水縣人光緒二十三年以軍功為邑令勤政愛民尤嚴捕務嘗午夜出城數十里私行查訪盜賊斂迹四民樂業旋因事

去任士民相率請於大府涕泣留之不得

聽訟

明

魏 謚河南汝甯衛人正德間以舉人為邑令善折獄時有能吏之稱

國朝

徐益哲字畫屏江南徐州人順治二十八年以舉人為邑令人頌廉明為百餘年邑令之最

裴廷桂河南人嘉慶七年以舉人為邑令廉敏有才人不敢干以私勤於公事不留獄無屈冤燭姦若神恒終夜不寢私行查訪盜賊避迹吏民無敢為非者尤重學校時文昌閣奎星樓將圯慨然曰令雖五日京兆不得謂非己任此文脈所關也遂捐三十金為多士倡相與修葺之

全熙柳江蘇嘉定縣人光緒十五年以監生署邑令廉幹仁明吏畏民懷

尋以調遷去任士民涕泣送之

附職官

自元立縣以後設知縣一員達魯花赤管民官一員教諭一員縣尉一員
主簿一員

明

知縣一員縣丞一員崇禎二年裁教諭一員訓導一員主簿一員崇禎十年裁典史
一員

國朝

知縣一員教諭一員光緒三十年裁訓導一員典史一員千總一員局委副巡
官一員巡弁一員

鄉上志卷之四

兵事錄

周僖王元年夏六月齊人滅遂使人戍之五年夏遂之餘民飲戍者酒醉

而殺之齊人殲焉按遂在肥南境注見前見春秋傳

周定王十九年秋叔孫僑如帥師圍林按林肥城地注見前見春秋

周靈王十七年晉率諸侯伐齊齊侯禦諸平陰整防門而守之廣里風沙

衛曰不能戰莫如守險弗聽諸侯之士門焉齊人多死齊侯登巫山在縣西北

之齊侯見之畏其衆也乃脫歸夜遁諸侯之師入平陰從齊師克京茲克

峙圍盧弗克按平陰防門廣里京茲地注見前見左傳

周敬王十八年魯陽虎取寶玉大弓入於謹陽關以叛謹按通鑑詳覽注云今

山東泰安府肥城縣見春秋傳

有下謹章即魯謹地

周顯王元年趙侵齊至長城齊伐魏取觀趙歸我長城縣北二十里有長城
齊有長城巨防是也見史記六國年表城屬戰國策所謂

漢王莽末肥城人劉詡與東平人爰曾起兵盧城頭曾自稱都從事詡稱
校三老寇掠河濟間衆至二十餘萬更始立拜曾為東萊太守詡濟南太
守是歲曾為其下所殺衆推詡為主更始封為助國侯令罷兵歸郡 見
後漢書任光傳

後漢光武皇帝建武四年春前將軍王梁擊肥城拔之 見後漢書王梁
傳

魏獻文帝時劉彧內附而彧東平太守申纂屯無鹽并州刺史房崇吉屯
升城皇興初加慕容白曜使持節都督中軍事屯於碣石纂回攻升城肥
城彧主聞軍至棄城走獲粟三十萬斛按劉或宋明帝也 見魏史慕容
白曜傳升城北史作斗城

魏慕容白曜進次肥城將攻之司馬鄺範曰肥城雖小攻則淹日得之無益軍聲失之有損威勢若飛書告諭可不攻自伏白曜以書曉之肥城果潰 見魏書鄺範傳

大清定鼎聞賊西遁偽知泰安州史可保竄去過肥城為土兵所殺 見王度偽官據城記

順治三年冬肥城人李西吾與東阿賊周魁軒糾眾攻平陰城三周知縣劉昇祚率壯士力戰却之省垣聞警三日大兵至賊警散西吾返陶山昇祚命王朝屏設隘擒之 見平陰縣志

咸豐十一年撫匪北竄蹂躪縣境各鄉俱辦團練築圩守禦以眾寡不敢被焚戮裹脅者不可勝數於二月初十日直逼縣城知縣蘇炳榮先期檄團長廩生尹鴻擴舉人陰豐灝東平人把總杜昌獻等入城籌防備維時飛書馳檄遇事贊畫則前招遠訓導李慶之副貢孫德澍等督勇守禦盡

夜巡閱則五品銜李鶴齡附貢孫建正等至於襄贊機宜捐助拮据力顧全局則莫若陝西商人五品銜党時和長清人千總王叶庚方賊圍城數周尹鴻擴等督率練丁團勇竭力抵禦時城垣東北隅觀魚臺一段最低賊冲犯數次瀕陷者屢矣城內迭發礮轟之三晝夜始解圍去既而賊在鄉村焚掠甚慘尹鴻擴督勇至西南鄉與賊戰於演馬莊大敗與把總杜昌獻等並勇丁七十八人殉焉而其時禦賊於東南鄉者則為義陽社社長生員李履社及其兄弟叔侄皆武藝絕倫率家丁及鄉勇數十人禦賊於安臨站敗退於石鴉全家殉焉

張積中江蘇儀徵縣人少讀書以貢就教職既感術者周星垣之說曉風角鳥占候雨暘頗奇驗粵西軍興督師大臣周天爵曾以奇才薦洎其兄積功知臨清州闔門死粵匪難積中亦移家而北轉徙濟南博山終定居於中黃崖黃崖在羣山中縣治西北六十里山上舊有石砦積中踵而廓

修之益暢明周星垣之說惑而從者日益衆遠近奉若神明稱為張七先生而不名其高弟趙建劉耀東等轉相誘引於是濰縣臨朐益都東阿利津海豐安邱諸州縣皆有其徒黨至同治五年益都令臨朐令捕獲其黨冀宗華郭似園劉名教等訊言奉其師張七命集人馬將於九十月間舉事皆實報聞時闕文介官巡撫丁文誠官布政使迭遣使諭令積中入省自白皆不報旋樹大方旂紫牆編插紅黑尖旂分黨守隘口遂剽掠歸德下巴石崗等莊縱火燒東張在孝里鋪堵截文報時撫帥駐軍東平慮各縣上言過當檄道員潘駿文詣黃崖招積中又檄藩司親至長清飭縣令入山告諭至則不得入時大軍已於十月朔環山而營節節近逼據其對山撫帥再示招諭積中覆言事須從緩時值撫匪犯曹南各軍獲諜並言渡河赴救黃崖撫帥察其無悔罪意乃傳令進攻兵入積中及其戚屬男女均自焚闕若死者無算

附兵防

額設兗州營分防肥汎千總一員

額設馬兵十三名令裁盡

額設守兵四十一名令裁盡

咸豐同治間髮撫各匪竄擾山東團練大臣督率各州縣曉諭鄉民行堅

壁清野法因而在在有圩砦同治六年寇平山東肅清圩砦失修令多廢

墮而當日之恃以無恐者其舊跡猶可指數也茲特即圩砦之尤著者錄

之以為該兵防者之一助焉

牛山砦即木關砦形勢險要泉陶山砦以石為壁據山之險然若幽棲寺

砦東西北三面借山為屏蔽南小泰山砦以石為壁據山之險然若寨

山砦增舊有砦石屋山砦砦在山頂鳳山砦以石為壁據山之險然若

圍山砦舊有石牆因其寨黃崖山砦避人避亂就山為砦詳見兵事錄

以上皆因山為砦者若平地以為砦者

尚家莊砦

王莊砦

演馬莊砦

丁家屯砦

錢家莊寨

魯里砦

梁莊砦

佛莊砦

衡魚砦

石橫砦

屯頭砦

冉家莊砦

潘家臺砦

以上諸砦或借河之險或引水以環於砦濠之內惟潘家臺最得地利而當日之首先築砦自衛者實自尚家莊始

鄉土志卷之五

耆舊錄

先賢名儒

周

和聖柳下惠魯公族展氏無駭之子名獲字子禽食邑柳下謚曰惠事見

論孟春秋傳國語史記諸書不具錄西南鄉展家窪俱展姓有和聖祠

孫展芳名奉祀按泰安有柳里村和聖墓在馬泰安邑乘列和聖於人物志則和聖為肥城人為泰安人究莫能定也

先賢冉子名耕字伯牛孔子弟子事見論語及家語史記諸書不具錄

先賢有子名若字子若事見論語及春秋傳家語史記等書不具錄

先儒左子名邱明作春秋內外傳事詳史記漢書及闕里文獻考不具錄

漢

劉彬東漢人晉陶潛羣輔錄州別駕蛇邱劉彬字文耀與膠東令盧汜

昭字興先樂城令剛載祈字子陵穎陰令剛徐晏字孟平涇令盧夏隱字叔世少並有異才皆稱神童當桓靈之世時人號為五龍 見濟北英賢傳

汜昭字興先盧縣人 見上

夏隱字叔世盧縣人 見上

晉

汜毓字稚春濟北盧縣人也奕世儒素敦睦九族客居青州連毓七世時號其家兒無常父衣無常主毓少履高操安貧有志業父終居於墓所三十餘載至晦朔躬掃墓壠循行封樹還家則不出門庭或薦之武帝召補南陽王文學秘書郎太傅參軍並不就於時青州隱逸之士劉兆徐苗等皆務教授惟毓不蓄門人清淨自守時有好古慕德者諮詢亦傾懷開誘以一隅示之合三傳為之解注撰春秋釋疑內刑論凡所

著述七萬餘言年七十一卒 見晉書本傳

名臣循吏

漢

劉 詡肥城人王莽末與東平爰曾起兵盧城頭詡稱校三老眾至二十餘萬更始立拜曾東萊太守詡濟南太守行大將軍事是歲曾為其將所殺眾推詡為主更始封為助國侯令罷兵後歸光武 見後漢書任光傳互詳前兵事錄

南北朝

孟 表字武達濟北蛇邱人也青徐內屬後表因事去沒任齊為馬頭太守太和十八年表據郡歸魏除輔國將軍南兗州刺史賜爵譙縣侯鎮渦陽後齊遣其刺史裴叔業攻圍六十餘日城中食盡惟以朽革及草木皮葉為糧表撫循將士戮力固守會鎮南將軍王肅解義陽之圍救

之叔業乃退初有一南人自云姓邊字叔珍攜妻息從壽春投表云慕化歸國未及送闕會叔業圍城表後察叔珍顏色疑有異即加推覈乃云是叔業姑兒為叔業所遺規為內應所攜妻子並亦假妄出叔珍於南門外斬之人情乃安孝文嘉其誠封汶陽縣開國伯遠征虜將軍光祿大夫齊州刺史延昌四年卒年八十一諡曰恭子崇龔官至昌黎濟北二軍太守 見魏書本傳

五季

姜 端乾封縣人高明果毅智伏一時盜起東土鄉人推以為令民賴以安 見府志

金

許 佑大定十年以詞賦登第官至潞州節度副使有政績

甲 振明昌二年以詞賦登第官平山府推官卓著政績其里居在邑石

橫村後裔尚繁按平陸古蹟志有折桂亭在縣東南甲氏子第十餘人
改入平陸故
相繼登第任皆顯官時人美之建折桂亭今地邑自宋
至見平陸志

明

李恪建文己卯舉人任陝西西安府同知廉幹仁明綽有政聲

張永永樂丁酉舉人任河南南陽府知府興利除弊有政聲

張謙正統甲子舉人任鳳陽同知有德政仕至衛輝府知府

張謹從父濂司鐸於肥始占籍中天順庚辰進士以庶吉士奉差賑濟

活者甚眾重學校勅邊將擢河南左布政使

王佑成化七年進士任戶部郎中歷官二十餘年理餉無缺吏胥無敢

纖毫侵蝕以廉能稱

盧應楨嘉靖癸未進士任南昌府推官治獄明慎擢工部主事歷員外郎

中清謹盡職守正不阿陞陝西參議至雁門關副使

袁士奇與弟士偉皆有文名中正德己卯同榜舉人先後成進士士奇由主事任河南提刑按察使僉事士偉由評事任河東運使皆政績顯著邑人榮之為之建郊祀並美坊云

張文質永子天順己卯舉人授順天府薊州判官薊近京畿素號繁劇文質處之裕如以政績晉保德同知

李邦珍字子懷別號同川少穎悟工詩古文登嘉靖庚午進士累官至河南巡撫兼提督操江治理精明懲貪緩賦綽有名譽陞僉都御史祀河南名宦祠其巡按順天也擒巨盜悉除倉弊巡按福建值倭警姦民竊發撫臣方奪職去邦珍奮然以軍旅自任檄諸道兵屯要害疏留戚繼光為副總兵削平寇盜受代去閩人遮道挽留不得繪海嶽澄清圖卷送之既歿朝廷震悼遣山東左布政司汪應蛟致祭焉所著有同川文

集祀鄉賢祠

尹天民字宗伊性仁厚孝友平生不見矜忿之色屢舉不第以正德庚辰
貢於鄉授順天密雲縣令至任值年荒道殍相望公賑恤愛養民以不
病昭雪盜誣六十餘人時久旱不雨獄解天乃大雨人謂伸冤之感旋
以內艱解任民挽留不得乃相與豎去思碑及卒葛端肅公守禮為之
撰墓誌焉

尹庭天民子登嘉靖庚午進士任河南郟縣政績天下第一擢湖廣道
監察御史奏劾嚴嵩父子七疏廷杖回籍及卒祀鄉賢祠

孟成己登萬曆己丑進士由知縣任給事中廉介執法參劾不避權貴舉
朝嚴憚之後任河南右叅政卓著政聲

王納諫登萬曆丙辰進士授雄縣天啟初魏璫用事南京織造內監李奉
貢御衣所過騷擾至雄縣不稱意因被劾百姓合詞申辯巡撫胡思仲
為之請得旨錮一級調用後起任山西臨汾縣未赴而卒所著有史閣

萬年三國策刪存疏草詩稿若干卷祀鄉賢祠

尹東周拔貢生任廣安縣晉沅江通判有政績買妾知其有夫亟還之暮夜或餽以金却勿受其他矜恤貧寡義行尤多祀鄉賢祠

董振民歲貢生任河南彰德府教授以德行著為多士楷模祀鄉賢祠

秦川歲貢生性端謹有幹濟才魁貌美髯官至通政司通政使

田易歲貢生學有體用才幹過人以督銅授御史

李崇拔貢生任孝定縣知縣廉能平恕有政績

國朝
劉允燦本冀北人以進士官刑部郎中有才幹折獄明決順治十二年慮

囚山東多所平反民無冤屈致仕後卜居黃崖莊始占籍焉

王嘉亮拔貢生任直隸寶坻縣知縣恭儉下士通達治體深得民心

田明琦拔貢生任山西太原府通判性骨鯁有氣節職司芻糧一切權量

皆得中百姓咸稱廉平官至廣西象州知州

朱曰璉性端正不隨流俗任萬安倉監督時清釐積弊舊有陋規名個兒錢歷任以為常獨不受立為革除劉文正公器重之曰安得居官盡如此人乎同官有馬姓者卒於官道達家貧出己財以歸其櫬後補德安府同知時貴州逆苗滋事協辦軍需由洞庭入黔山徑崎嶇苗民徧林麓胥吏骨戰獨坦然不懼事竣以軍功加級居家和睦鄉鄰濟急扶困疾急至有焚香願以身代者

尹文麒字紹陵端嚴廉介以進士官至掌江南道監察御史盡心職守不沽虛名年七十五歲嘉慶元年以御史與千叟筵

欽賜

御製詩一章玉如意鳩杖緞綾筆墨等物歸田後布衣蔬食晏如也

尹文澤字湘南文麒弟幼機警十歲能文從沈太倉先生遊中乾隆庚辰進士第五官至戶部郎中斷事明敏衆方期其大用倏卒舉朝惋惜

胡翹楚字蘆叢性樸厚為文不逐時趨以進士知岷縣再知東流縣慈祥
惠愛兩為鄉試同考官所取皆知名士

陰秉淵慷慨任俠膽量過人官京城內外巡捕遊擊時有權貴玩法衆不
敢過問秉淵毅然執之聞者驚服

尹行鐸字醒斯由貢生補應山縣知縣下車即捐廉俸倡修文廟平反冤
獄首禁活稅凡差役病民者悉革除後罷歸應山人立廟祀之

李杰龍由監生兵馬司指揮改湖北知州歷署蘄州歸州知州性慷爽遇
事敢為所至釐奸剔弊豪強斂迹尤輕財好施蒞任數年由家寄其貲
財無算後以卓異薦候選直隸州

陰豐潤字雪農道光癸巳進士任禮部主事洊升郎中改禮部郎中南河
工員恪勤盡職廉正有清操擢江蘇清江道未赴任而卒舉朝惜之

尹鴻璐字德圃由貢生初任江西崇義縣再任直隸涿水縣調邯鄲值教

匪據滑縣羽檄交馳境內騷動衆欲開城公持不可謂寇未至而閉城先自亂也乃募義勇為戰守具民賴以安是歲歉收請於上官給兩月糧設粥廠以活饑民又捐廉修葺邯鄲書院以卓異薦適丁母艱歸不復出

尹鴻掄字颺廷由貢生官四氏學教授任滿選廣東徐聞知縣徐聞有控報命案之習蒞任即有嘗試者勘驗得實懲之此風遂息有巨盜劫鄰境擒獲之置諸法四境以安

尹序長字西庚同治甲戌進士任戶部主事洊升郎中性廉介不隨流俗為閩文介公所器重供職十餘年諳練勤慎綜覈名實屢蒙 召對條陳部務纖悉無遺遷江西九江府知府正己率屬善體民隱蒞任未二年以勞瘁卒於官

張興留字房農由咸豐丙辰進士授內閣中書歷官至江西督糧道性誠

愨廉正所在剔釐積弊政績卓著商民感德製碑以頌後以積勞卒於官為人博聞強識兼工書法著有鏡吾錄歷代同姓名錄

忠節

五季

吳 巒字寶川盧縣人清泰中為大同沙彥珣節度判官晉太祖起太原召契丹為援契丹過雲州彥珣出城迎謁為契丹所虜城中推巒主州事巒閉門拒守契丹圍之高祖立以雲州入於契丹巒猶守城不下契丹圍之凡七日高祖義巒所為乃以書告契丹使解兵去高祖召巒為武甯軍節度副使時與契丹絕盟河北諸州皆警王令温為清軍節度使牙將邵珂素驕狠令温奪其職晉遣巒馳驛守貝州巒善撫士卒會天大寒裂其帷幄以衣士卒士卒皆愛之珂因求見巒自效開運元年契丹南寇圍貝州巒令珂守南門契丹急攻之巒投薪草焚其梯已而

珂引契丹入靈方戰顧城中已亂即投井死 見五代史本傳

國朝

尹鴻擴字恢亭廩生成豐十年奉團練大臣戶部侍郎杜翱檄派與前臨
胸訓導陰豐灝總辦闔縣團練事務十一年春二月擢匪竄至境縣令
約督勇入城防守賊逼縣城却之既而聞賊在鄉村焚掠奮然曰吾忝
總一縣國務不出城剿賊如鄉里蹂躪何白於縣令督勇至西南鄉戰
於邑之演馬莊殉焉事聞贈鹽知事銜給予雲騎尉世職入祀忠義祠
國史立傳同時陣亡者長子肇臺姪監生肇誠肇籍把總杜昌獻監生
尚化遠劉東峯軍功王國範尚積福尚樂善附貢曹占一皆團長而陷
陣者也事聞 贈卹如例

李履祉字介蕃生員個僕不羈咸豐間聞擄匪之亂履祉與其兄生員履
祺弟武生履恆叔武生介壽姪生員銘恩棄書習武藝自出家背練鄉

勇為戰備十一年二月擄匪北竄履祉令銘恩率鄉勇至秦邑大汶口堵截賊不敢渡汶水轉由安駕莊渡河擾肥境履祉等又迎戰於安臨站時銘恩年方十九匹馬陷陣殺賊目三悍賊十餘人以眾寡不敵敗退於石塢皆被執不屈全家殉焉計被殺及被焚死者男女四十六人鄉勇十六人介壽家祇遺一八旬老母履祉家幸有義僕梁九成身被數創僅負出一八歲幼子事聞 旌表及給予世職有差

尹相序以武舉任夏津縣把總咸豐九年奉調赴安徽宿州防堵八日賊至宿州力戰陣亡事聞入祀昭忠祠蔭一子雲騎尉

燕鳳津武生家濱清河咸豐十一年擄匪至境鳳津偕姪匯川率團勇守渡口時四境往河西避難者不下萬餘人賊大至鳳津督勇禦賊賊不得進萬餘人悉渡河值大風船未及回東岸賊直前鳳津叔姪皆為賊所執縛於樹裏以席灌油而焚之事聞入祀忠義祠

王汝垣字星史東張人增生咸豐十一年擄匪竄境汝垣與其姪貢生宗梅武生宗淦率團勇迎戰於平陰之毛家鋪力竭宗淦身被數創僅免汝垣及宗梅殉馬事聞俱 贈雲騎尉世職宗淦好義任使負不羈才擄匪亂平有江蘇儀徵人張積中據黃崖砦謀不軌宗淦出家賞練鄉勇備戰守積中黨屢次誘引終不從至同治六年九月積中將起事先縱火焚宗淦宅時閻文介撫山東聞警率大兵至平陰聞黃崖附近村莊皆積中黨欲傳令痛剿宗淦單騎詣軍力白無從積中事並進破砦策閻公疑其偽宗淦自拘家口五十餘人為質與弟廩生宗範率鄉勇為前導圍砦破之閻公下令無妄殺一人則是附近數萬生靈不至罹玉石之焚皆宗淦力也事平奏 獎千總等職

獨行

漢

郭 巨字文舉河內縣人奉母流寓邑境之孝堂山因家焉事母至孝一子三歲母常減食與之巨謂妻曰貧不能供親共汝埋子子可再有母不可再得也掘坑三尺餘忽得黃金一釜上云天賜孝子郭巨官不得奪民不得取人以為孝德所感

按郭巨應列流寓以孝
弟科首列故入獨行

宋

楊 叱邑之鄆河里人自祖若父及叱凡四世咸敦孝弟同居共財誓無分異鄰里皆為感化有元祐八年趙質等立石今没土中

明

趙 讓少孤家貧事母孝備力供養母疾禱於天祈以身代母卒廬墓側有虎夜至讓但號泣虎竟去後有數盜入廬讓告曰止有米二升以為母忌之資盜感其孝以百錢遺之永樂初旌其門

盧 瑄以孝聞成化辛卯早鄉人謀發其父墓瑄守墓號泣數日天忽雨

癸巳喪母天又旱乃築室以守母柩踰二年柱生花成樹人以為孝感所致

溫 安家貧樵蘇為業母病思肉會天雨不能入山無所取給安以鎌刀剗左股肉煮湯以進曰以柴易得也母食而甘之病愈見安面黃瘦問之以實對闔家痛哭人始知之

國朝

王 興字繩武諸生明季父死於盜母時年十九苦節撫育寇至則引頸就義寇感之去母子常溺黃水中漂流數里得附大木以免終母世色養不敢有違母歿既葬築室其旁輦土為墳取石四十里外為母建坊曰母昔不辭苦我能言勞遂卒事焉

王昌基諸生自幼以孝聞順治十四年正月母病晝夜奉侍寢食俱廢六月父又病寤於醫嘗真甘苦為驗是年父母俱逝擗踊號泣絕粒數日

月 五 昇 卷 二
遽得疾既葬不忍歸遂營室以居至冬冰雪嚴凝族黨勸之歸不聽一
夕張目熟視連呼父母而亡雍正十年 旌表

李守誠孳子也父廷光性嚴守誠方七歲有過被撻即和顏跪受父色露
乃安後為諸生事嫡母姬氏甚謹母有姪興文無所歸力為周卹生母
性癡嗜好不能自達每衣食必先以進母食乃食遇父母疾衣不解帶
及歿未嘗御酒肉奉准 旌表

尹汝郊廩生父柚有足疾賴汝郊扶持每夜讀則母恆備湯水佐之汝郊
恐母勞伺母寢然後誦後嗣伯父增生橘克盡子道父嘗願施宅捐路
濟人未遂而卒汝郊竟成其志奉准 旌表

胡其顯字景文監生好善老而貧者屢周卹之族弟其成家貧贈地一頃
以資其生康熙四十二年歲饑出米賑鄰里米盡繼之以豆全活甚眾
其子曰璉字子重亦好施乾隆癸酉大饑曰璉捐穀百石林濟貧民父

子濟美人咸稱之

尹大本字體乾遵例考職未仕父歿母哭父失明大本侍左右能順其志兄死撫遺孤如己子每冬至製絲衣捐粥以施貧者傾囊不惜也康熙四十二年饑眾聚為盜大本出資召募里中健兒以禦之卒擒其首餘黨遂散

李光消字天祚廩生好善樂施每冬月施棉衣米粥以惠貧窮扶老攜幼自遠而集者日不絕貧而死者予以棺木康熙癸未歲大饑所全活甚眾又嘗購置農器任人取借使壯者得以傭工自給於是遠近感頌聲稱藉甚傳聞於省垣上憲疑為籠絡人心時于文襄公成龍官按察使易服策蹇至其家偵察虛實光消款待甚殷數日無少倦成龍見其家所藏惟棉衣耒鋤棺木知其無他始告以來意大加贊美旋遣以有恆者匾額蒙巡撫奏請旌表善人

唐 瑄字六珍貢生自幼端慤子斯廉字清菴舉人終養不仕乾隆十六

年山水驟溢家人俱避高阜斯廉獨守先人神主不去竟亦無恙

田希舜字汭濱生而孝七歲父歿哀毀如成人既入學母杜氏訓課嚴少
情即受撻輒惶恐若無所容成人能先意承志母病奉湯藥不離左右
及卒日夜號哭不能成聲既葬結廬墓側每當風雨晦夕哀聲達於荒
郊之外三年如一日乾隆四十五年 旌表

邱行鍵字貞公監生父母歿獨喪葬有季弟某素强悍少不滿意常持刀
欲謀之而手不能舉獲免及覺友愛如故終不較也

鹿維新字龍勳諸生家寒素性骨鯁凡事敦古處不隨俗俯仰乾隆乙卯
見文廟催殘矢志整修稟請邑令倡捐呈詞激昂慷慨令人感奮邑令
朱辰首捐銀三十兩士紳從風樂輸維新竭力經營徒步奔走日不再
食底於成功然大成殿雖竣而兩廡戟門尤荒苔蔽基維新尤切隱憂

維時感其義而起者為同知邱璉

邱璉行鍵子候選同知家素豐慷慨好施時鹿維新募修文廟費已不貲璉慨然於前功不繼捐家貲七千金獨修兩廡戟門其輕財好義實世所罕有

羅篤生貢生為伯父正己嗣存歿盡禮有族祖母老死無嗣篤生買棺以葬俾族人主遺產以祀其墓嘗修學宮設義塾為鄉人所稱

鹿樂山字仁安諸生性至孝奉親能得歡心有中表張永立貧不能給父憐之樂山即買田三百畝宅一區與之以體父志及歿鄉人私謚曰孝允先生

尹惟謙字六吉家故饒裕自奉儉約性好施與同曾祖昆弟十餘人業皆中落皆為置恆產歲饑為糜粥以食丐者晨起扶老攜幼者接踵而來惟謙次第分給行之數年鄉人感其義相率出資以助是舉每歲冬立

粥場於廟中更為密室其路遠值風雪不能歸者使宿於中死者予以棺木三十年如一日

李 潢字銀河少穎悟善屬文弱冠補博士弟子員持己端嚴善事父母以孝稱同母弟三人潢居長次曰濬曰淇庶弟曰江潢善治生父歿產數倍於前及析居均分之年八十四歲五世同堂親見七代嘉慶二年

欽賜七葉衍祥匾額並銀緞等物

范汝愚庠生性純孝侍父母雖大寒暑無倦容飲食衣服纖悉必周親亡廬墓三載哭泣不絕聲

路子厚性至孝父早亡家貧奉母以採薪為生得柴入市易米肉歸以奉母或傭工眾歇必過歸省母雖跣步不敢忘後有薄田數畝竭力耕種至將成熟樵夫牧豎亦相戒曰此孝子田勿損其稼其感人如此

鹿同家北儀仙人字民胞性至孝家貧授徒四方館穀所入悉以供父母

最慈凡內外孫之輟轉膝前者必如其所欲待僕婢賞浮於功同家體
毋志雖資財不給亦必竭力彌縫不使母知歲科試輒冠軍道光戊子
舉於鄉七上禮闈卒不售養母終身母卒居喪三年亦遂卒

張 岫字雲峯少穎悟受知於仁和趙鹿泉學使父多病愀然曰為人子
者不可不知醫遂究心岐黃之學醫名遠播叩請者無虛日或貧而無
力並給以藥餌嘉慶癸酉歲大饑出儲粟以濟餓者道光丙戌復饑賑
濟一如曩時丁亥上憲檄州縣勸捐更新濟南貢院秦郡增修文場皆
捐金為一邑倡生平博稽羣書喜吟咏著有帶經舫詩鈔帶經舫同人
集鈔開史隨筆各一卷

張 崑字築野國學生十三歲失怙哀毀若成人事祖母及母孝與兄岫
相友愛遇有義舉必首先捐貲為一邑倡兄出為伯父後與兄異居而
家政悉聽兄主裁財產無爾我分時連年薦饑與兄並出粟以賑窮乏

遠近稱善人焉

尹肇桂字芳圃尹鴻价之長子事親孝孺慕之誠五十年如一日遵疾歷半載不言恐貽父母憂及至父母往視之猶據床而起自稱少間親去召諸弟泣曰吾不孝不能事親矣諸弟勉諸言訖而逝

尹肇榮曹家莊人字戟門少失怙嘉慶己卯舉於鄉任曲阜教諭濟南教授品學為諸大吏所推重歲饑親族有不舉火者饋遺無虛日尤多義舉縣境之五道嶺崎嶇險峻車行輒顛覆故大車北來皆由孝里鋪繞道張家店而至縣紆迴數十里道光間肇榮倡議捐修北道遂開行者便之子式穆字清甫光緒二年改修考院式穆與冉昭重董其事不辭勞瘁半載而工竣

李仙如尚禮莊人字飛瓊家貧事親孝道光十五年其父文水死石田數畝仙如鬻田營葬哀毀骨立嗣連年凶荒奉母逃至河南歸德府年餘

其母病廢恐客死他鄉負母乞食歸里仍負母乞食得食即進母便溺皆仙如抱持十餘年如一日母卒鄉里呈請 旌表

孫安庭東禮村人字東盤性至孝道光十五年其父萬含染寒疾安庭與妻王氏日夜侍湯藥無少離七日不汗日夕時氣已絕人皆促其易箆安庭惟跪於床前執父手泣默禱以身代其妻亦焚香禱天如是者終夜黎明其父死而復蘇恍惚中聞有告之者曰以爾子孝令爾還病遂痊壽至八十四歲而終光緒二年與妻王氏同 旌表

朱說詩號頤亭以拔貢任城武教諭學宮壞捐一任之俸以為諸生倡資斧不給仍取於家署青州學同官歿不能歸說詩資之以歸任樂安以守城勞績晉教授光緒丙子歲饑村中不舉火者甚眾力倡捐穀議全活甚眾

李興起字鳳翔幼年喪父與其妻趙氏善事孀母母多病興起夫婦躬侍

湯藥毫無情容後夫明起居需人夫婦奉事惟謹常焚香禱祝祈母目疾早愈如是者八年母目復明皆以為孝感云奉准 旌表

王廣寅性至孝父病侍湯藥不離左右者三年喪葬罄其家所有家遂中落父歿事孀母殷勤備至歲凶度不能全活乃出妻屏子負母以乞有甘旨輒以奉母天寒解衣覆母胸前自以其身熨母母病歿廣寅哀毀成疾月餘亦卒焉鄉鄰呈請 旌表

王其山父早卒祇一母無妻子兄弟無田產歲饑負母三往江南乞食其母自五十歲以外即病廢不能自食其山奉養至九十五歲始終鄉黨嘉其孝公請 旌表

尹肇竺字竹坪兗州訓導鴻提季子兩兄早世讀書之外奉親惟謹咸豐十一年燃賊虜至鄉圍潰肇竺負父入山途遇賊仆鴻提叱肇竺速去不忍賊已至前鴻提被刃傷肇竺以身蔽父曰但殺我無傷吾父賊刃

之血溢猶執其父襟袖不釋賊去之鴻提免而肇三竟死矣事平旌表入祠

王伯楫呂店社人咸豐十一年捻匪擾境父克寬年八十伯楫負之逃遇賊為所獲將殺其父伯楫乞代父死賊殺之其父傷焉

際慶溥柳灘莊人其父秦川率團禦賊國潰為賊所獲慶溥衝圍救父乞以身代父賊釋其父還慶溥引頸受戮見者無不涕下焉事平旌表李尚彬幼失怙父卒母得心疾終日詈罵尚彬愉色婉容未嘗少忤母中年喪明且加以痼疾尚彬日侍於側不暫離母飲食皆以手吐茹無常當其吐時尚彬以手接而啖之人謂其不堪食尚彬曰吾母之所吐何不堪食之有孝養二十年母卒尚彬哀毀逾禮鄉里稱之

孔繼楷孔家莊人父傳銳歿於瀋陽繼楷方幼不數年母又歿依舅氏以居稍長即欲尋父舅氏止之年十五傭工自給而尋父之心未嘗一日

忘也有胡某自瀋陽歸繼樞詢父耗知已死痛哭乞胡某攜赴瀋陽胡某義之俾偕亡至父墓所一見哀號遂絕胡某喚之甦親負父骸骨畫行百里夜露宿沙漠數月乃歸葬焉既歿鄰里為之建碑

冉昭重字用三先賢冉子後候選州同光明俊偉急公好義嘗因忠孝節義祠傾頽獨力捐修又因鳳山書院頽廢增設義學施義學田地十二畝咸豐三年重修城垣昭重督工於烈日之中不辭勞瘁數月工竣又監修文廟考棚諸事任勞任怨並捐置考棚石案石座各有碑記至今鄉里稱道弗衰

有安仁字靜夫先賢有子後裔代理五經博士為人謹慎誠篤非公義不憤發遇邑中善舉必竭力倡辦勞怨不辭咸豐四年督修城垣不避風日備極勞瘁十一年撫匪圍攻縣城安仁協同團長運籌守禦城賴以保全事平邑令議保獎出力士紳安仁獨辭謝不受尤為謙退不矜云

楊德仁石岡莊人性至孝而家貧父病無服藥資病垂哀求醫者醫曰病之生死在冀甘則死苦則生德仁果嘗之而苦遂漸愈光緒十五年大疫染者二三日即死其母患疫命在垂危德仁與妻范氏跪天禱祝願割身肉以祭冬不衣棉病果愈三日後即於左股割肉如掌熟而薦之冬日與妻范氏皆單衣里黨稱焉呈請 旌表

王顯立西里村人賦性樸誠生母裴氏卒父繼娶李氏家無贏餘李氏紡績助之讀書父性嗜酒顯立奉養無缺父歿哭泣哀感動行路事繼母尤謹母患癱症顯立扶持不懈雖妻子不代勞人不知其所事為繼母也

陰嗣卿字聿修張里莊人純孝性成母寢疾祈以身代親侍湯藥衣不解帶者二年既歿廬墓三閱寒暑服闋由供事議叙典史分發安徽以父老欲請終養父怒責之始捧檄謀祿養嘗權篆石埭却篆後清風兩袖

賴士民集資回里省親時父猶健復負米至皖聞父不諱星夜奔喪以未視含殮抱恨終天哀毀骨立仍廬墓三年嗣任五河縣典史多惠政口碑載道上憲至目之為聖賢屢以卓異薦現署五河知縣不挈妻孥三千里外孑然一身清廉勤慎善政不勝枚舉語曰求忠臣必於孝子之門嗣卿有焉

儒林

明

尹 勳貢生德行文章足為世範安貧樂道不仕終身

田井授號虞野增廣生學積文蔚歲科試輒冠軍屢試文場弗售乃幡然曰造物與人蓋有定分皓首窮經何為哉遂無意進取鳴琴談道徙倚吟詠觸意成詩環堵蕭然晏如也都御史李邦珍時與交遊為之撰儒隱村記云

國朝

安國珍德行文章卓冠一時由拔貢生任河南儀封縣至歸德府通判服官居鄉皆以講學著述為事撰學庸大意質易經解行於世

樂 條字南枝拔貢生淡泊不求仕進嗜四子性理近思錄諸書隱於牛山之陰書堂峪內自號蝸居外室自題止齋著有夢覺錄人鬼關錄止齋文集

李運昌字宸生廩生好學力行其先世中丞李邦珍於明萬曆年間有纂修縣志遭明季兵燹版籍蕩然運昌懼久而無稽於是旁搜博採舉邑之山川土田人物風俗無弗志焉積數載而書成秘之枕中康熙壬子議修邑志求之舊簡無復存者取運昌手輯之書而筆削之則是肥之文獻不至散軼皆運昌力也

刁 臻字詣峯廉靜寡欲家貧無厚產田僅數十畝盡付之弟曰吾以筆

耕舌織不至凍餒足矣嘗端坐一室手不釋卷饑寒處之晏如年三十
一棄舉子業益究心於五經四子書授生徒以德行為先戒子弟以務
親正人其言行類有補於世道人心

尹 統字子元恩貢生好讀書長於古文受知於錢坤一先生以明經終
李鵬程字溟南少穎悟讀書一目數行下才思縱橫下筆十言於天文占卜
星相書靡不通曉中雍正乙卯第二名鄉魁屢試禮闈不第退而著書
著有范湖四書講義范湖文稿藏於家

李遠字向西舉雍正己酉科而顧好讀書其祖宅故宏麗盡讓弟姪別
築南山之陰茅屋數椽蒔花種樹其中好讀左氏傳書法似沈繹堂輯
方書數卷濟人甚多足跡不入城市課子廷樞廷桂廷彥俱為名諸生
及卒御史尹文麒銘其墓有云公好文而名成於武欲備今而趨偕乎
古蓋紀實也

陰良輔字又嬰居城東北里許怡村

即今魚池莊

因別號怡村性淡逸灑脫讀

書不樂仕進耽吟詠能文章尤嗜琴闢小園構池亭雜蒔花木時而坐
花陰俯清流觀魚鳥觸意成詩隨其心之所適徙倚嘯傲陶然自得幾
不知世間有爭競事在平崔拙侯及邑之李開圃諸名士嘗主其家相
與彈琴漉酒有贈序投詩者悉刻諸石環池亭如堵知縣李品鎬贈以
漢上遺規匾額殆桐江彭澤之流亞歟壽八十五歲無疾而終著有又
嬰詩稿藏於家

王三重家極貧苦志讀書中乾隆丙辰舉人教授生徒多所成立歿後二
十餘年門人思之釀金立碑以表諸墓

趙東周字聖為家貧好學中乾隆甲午解元尋以目疾失明文益精進及
門列賢書者十餘人

胡光祀字怡亭能文章以經魁選濟陽學教諭訓課甚嚴獨敦尚古道有

觀我堂又集

尹文恒字懷方有異才以明經終殫心字學工篆刻著金石韻府齋編八卷古香閣詩餘一卷並篆刻酒德頌藏於家

朱其鏡號陶峯通六書說文性情淡逸不樂仕進闢小園種花時竹疊石為山濟南陳雨人風人在平崔拙侯諸名士時主其家彈琴角藝以相娛樂工篆刻著有春夜宴桃李園序陋室銘治家格言印譜名曰陶峯小課

姜鴻字頡雲歲貢生好吟詠尤工書工畫山水得米顛父子遺法興酣落筆墨瀟淋漓亦善人物寥寥數筆有八大山人遺風零縑賸墨至今寶之

李廷柱字開圃拔貢生少工文晚歲屏去一切獨肆力於詩其詩載山左詩鈔及邑志藝文類者清微淡遠有陶韋之風著有莎園存稿

穆慶之號秋漁讀書好古以歲貢生終工篆刻著有秋漁印譜

李基熙字止庵工詩古文詞著有怡園存草嘉慶間縣志其所纂修也

孔傳中字道源庠生僑寓東平學問賅博出其門下自遊庠至登科第者指不勝屈嘗謂第一等人物須從孝弟忠信做起故從遊者皆以植品為先東平士風為之一振九十二歲卒東平州志載之

孔傳游字道南歲貢生任沂水訓導勤於著述制藝以王錢為宗著制藝指掌錄三刻與泰安趙仁圃相國制義綱目相發明經學尤邃於易著太極易圖合編文彖衍義大衍新法又有學庸闡要論語發微韻學入門諸書

田汝漢字河秋儒隱村人井授後裔也性真摯持身處世本於至誠幾不知人間有欺偽事家雖貧而力學不輟工古文詩善書法不屑於章句之學於經史大旨悉淹貫而會通之時於箋注而外參以己意以餉遺

後學從之遊者常數十人所成就士甚多以歲貢終門人私謚為純慤先生

鹿星垣字少乙同家子幼穎悟日誦數十言受知於學使馮譽驥入邑庠第一旋食餼鄉闈屢薦不售遂無志應試愈肆力於書畫書工各體尤長於草篆十七帖可亂真畫山水出入大小米而運以己意花卉走青藤白楊之間嗜酒興酣時作為詩歌讀者驚為仙才以歲貢終

田汝長字鶴年胸懷灑落讀書不樂仕進嗜畫嗜詩而尤嗜琴號其室曰七琴軒最愛菊聞有異品雖數百里外必致之秋來漉酒賞花陶然自得其先人井授隱於明時人以汝長方軌云

尹滙瀛字福山幼讀書端重若成人道光丁酉拔貢旋舉順天鄉試成進士官工部主事請假歸里遂不復出博覽羣書肆力於詩古文詞經史而外於天文占卜堪輿星相之書無所不究晚年尤通醫理居恆兀坐

斗室如對大賓及與人接盡然太和溢於眉宇鄉黨奉為矜式年六十

卒

張興思字惺農中光緒癸酉科副貢任利津縣訓導博極羣書經史子集及先賢語錄並能釐正其訛謬品誼純正讀書考道外無他好工古文詩賦有名家風範每一脫稿士林傳觀爭鈔錄之學者仰之推為一代楷模平日受徒因材施教至寒畯之士則不受束脩且資以薪水州縣交辟主講書院者歷有年所在訓導任內一以成就人材為務諸生公製教思不倦匾額以旌其廬後卒於官利津學者思慕其司鐸之德教作屏紀送其家以致其欽仰之忱蓋其學問懿行足以感人者深矣

附流寓

周

范蠡楚宛索人事越王句踐既滅吳泛舟五湖變姓名為鴟夷子皮三徙

止於陶自號陶朱公事具國語越絕書吳越春秋史記等書不具錄

史按

記正義括地志云陶山在濟州平陰縣東三十五里止此山之陽也今山南五里有陶朱塚路史國名紀范蠡變姓聞行止陶今鄆之平陰有陶山元和郡縣志河南道鄆州平陰縣西南至州二十里本漢肥城縣地陶山在縣東三十五里范蠡葬處太平御覽曰齊地記范蠡浮出齊聞行止陶山因號陶

元來公在今平陰縣東

張起巖字夢臣濟南人中延祐己卯進士以集賢修撰轉國子博士歷官

至御史中丞論事切直朝廷特詔修遼金宋三史以起巖充總裁官積

階至榮祿大夫卒諡文穆事具元史本傳不具錄

按邑井樓莊相傳為起巖故里其後裔徒

居白雲橋等莊者尚繁金山之犴猴崖有起巖讀書處故址文廟瞻

岱亭等處多有起巖撰書碑記故父老皆傳為肥城人與本傳不符故

列入流寓

國朝

唐仲寬字六枳湖南善化人乾隆癸丑進士由知縣歷任至陝西布政使

三權巡撫以疾歸僑寓金陵卒年七十五歲性孝友自以其父官平陰母歿葬肥之陶山因以陶山自號亦自稱為肥城人嘗結廬母墓側孜孜著述與邑名士李基熙日相切劘撰岱覽二十二卷著有陶山文集吳門滄浪亭有五百名賢石刻首秦伯終唐陶山為時所推重如此事詳 國朝先正事略

唐 鑑號鏡海仲寬子嘉慶己巳進士授庶吉士歷任至江甯布政使內召為太常寺卿學務反身宗尚洛閩諸賢為曾文正公所敬服已而致仕歸主講金陵書院矜式多士著述甚富卒年八十四 朝廷軫悼予諡確慎

附義商

党時和字藹堂陝西華陰縣監生道光間來肥經商慷慨好義遇邑有善舉必首捐巨款以為之倡咸豐三年監修城垣督工於烈日之中不辭

勞瘁十一年，擢匪圍城時和，捐助糧饟，督勇防禦，晝夜巡閱，城賴以完。事平，以守城功賞五品職銜，後卒於肥。及櫬歸，士高涕泣送之。

名宦祠附

抹漢

即趙珪

元達魯花赤

萬鵬程

明前政績錄

馬經綸

明前政績錄

李蔭祖

因

趙申

李

東

朝兵部尚書直隸河南山東三省總督

侯居廣

改使

韓鎬

山東

楊延俊

政績錄

吳樹聲

政績錄

趙申

李

東

鄉賢祠附

李邦珍

明河南巡撫都察院右副都御史

尹庭

明湖廣道

王納諫

明雄縣

尹東

明沅

周

江府

通董振民

明彰德府教授

互詳前

舊錄

忠義孝弟祠附

漢

宋

明

郭巨

楊吧

趙讓

盧瑄

員

温

安

國朝

王朝基

李守誠

尹汝郊廉生

田希舜

路子厚

范汝愚生

李仙如

孫安庭

王其山

李興起

王廣寅

尹肇竺

王伯楫

陰慶溥

李尚彬

以上二十名俱以孝友入祠互見前耆舊錄

五季

吳巒武甯郡節度副使復州防禦使尹鴻擴廉生贈鹽知事衛尚化遠監生

劉東峯監生

王國範五品軍功

曹占一附貢

李履祉員生

尹相序武舉夏津把總

尚積福軍功

燕鳳津武生

以上十名皆以忠義入祠詳前者舊錄

附節烈祠邑志所載節烈及近年旌表不下千百人錄不勝錄茲錄其特奇者

貞烈

元

石氏張亨妻氏幼字亨家貧亨父母欲踰盟亨不可卒娶之氏感亨義恪執婦道亨遊江南二年不返或以溺死聞父母痛哭氏云兒死有婦在願二親無復然且亨未死夫妻父子吉凶同運吾視兒多喜氣攬鏡自照無晦色敢決亨不死姑待之未幾亨果至人始知氏善鑒云舅姑相繼歿亨病且革氏為置廣槨容二棺亨死氏絕粒三日而死遂同槨而葬至正八年詔表其閭

明

翟氏袁亨妻年二十一正德間為賊劉七黨所掠逼之翟厲聲罵曰我甯死絕不為賊所污強使入室呼速殺我賊斷其左肩仆地罵不絕口剖腹而死事聞旌表

劉氏生員黃正色妻娶半載正色死劉絕粒七日知縣李觀光至其家命

婦女強以米滙灌之三日仍死事聞旌表中丞李邦珍題其墓碑云貞婦不負夫人不負貞婦嶢嶢一片石明月照千古

國朝

張烈女平陰拔貢生張春暘女字於肥邑李鉅之子起鳳女聰慧其父授以經書烈女傳大義若有心會閒作詩有佳句輒焚其稿不輕示人乾隆甲寅壻家議完娶矣乃於九月十三日起鳳卒女聞耗將平日詩文盡付諸火賦絕命詩十首於十六日自經李氏迎女柩歸與起鳳合葬呈請旌表平陰朱續孜為之撰烈女傳知縣程尚義邑人尹文恒等皆賦詩美之詳載邑乘

孝烈女彭姐彭永禮女也字曲鴻業會撫賊擾境全家避亂猝遇賊賊掠女永禮夫婦以身蔽女賊將殺之女曰若輩既愛女父母不從駢首無益女願以身許之遂給賊曰勿殺我父母我當唯命賊黨喜以女行至

河畔計父母已遂躍水死同治年 旌表

楊氏楊文獻女宋法業妻年十九適法業逾年死歸甯賊至閤家登樓避
難氏後賊猝至前欲污之女罵以刀劈其肩女愈罵賊怒繫於豕柵柱
上剗其腹至死而罵聲猶未絕也

明閩吳氏等三名 國朝江王氏等八十五人志堅金石操凜冰霜或
未婚而殉節或臨難而捐軀樹有連理枝破鏡終成圓鏡冢無獨活草
縊繩權作赤繩珠沈玉碎能完白璧之貞石爛海枯莫改青年之志綱
常振於萬古褒美動於 九重氏族事略均詳邑乘不具錄

明

鄭氏李維實妻娶未二載維實死遺子嶸尚在緦緦氏不食求死姑勸以
撫孤氏勉從姑命養孤撫幼守節六十餘年事聞旌表

陶氏平陰陶世雄女適生員尹東魯十九歲東魯死遺言令更適陶割耳
自誓守節三十年旌表邑人李棠董振氏等十餘人均賦詩美之詳載
邑乘不具錄

國朝

董氏董桂華女趙拙妻四載夫歿氏悲極欲相從於地下舅姑哀勸乃不
死以姪東周為嗣氏操作自給令東周親師取友中乾隆甲午科解元
其歿後邑進士胡翹楚贈句云五夜機聲興壁緒一濂秋水厲寒光邑
御史尹文麒麟之有云未亡止為地中心雖茹苦屢後能成天下士德
則流馨蓋錄實也

羅王氏等一千六百餘人松筠勵節金石堅心鏡破燈殘慘聞杜鵑泣血
淒風苦雨愁聽孤雁悲聲奉雙親於堂上婦代子勤撫孤子於膝前母
兼父教 恩綸特贈潛德有光氏族事略詳載邑乘不具錄

附壽婦

孫氏劉學洙繼室年百歲五世同堂嘉慶七年

欽賜貞壽之門四字

給銀建坊賞紅綠緞匹各一

安氏孝里舖杜繼舜之妻監生杜廣居之嗣母也性仁慈淑慎治家庭以勤儉教子弟以孝友遇鄰里戚族有貧乏者歲周恤之不少吝惜其家人化之皆和睦肅雍並口角之微嫌亦絕無所聞自其先世同居今已十一世氏現年八十四歲親見五世同堂子媳孫曾共七十餘人皆務耕織敦友愛毫無爭競每當朝夕暇時羣萃一堂氏至不能徧舉其名可謂極人生之至樂矣現呈請旌表

鄉土志卷之六

類

肥境自古為腹地無回番各種人故不錄

戶口

肥境自光緒十七年修志以後生齒繁衍戶口日增於前惟沿黃河各莊
村迭被水患遷徙無常兼之光緒癸卯夏秋月間肥境大疫乙巳夏六月
闔邑又慘被水患淹沒多人幸蒙賑濟未至流亡近數年來莊農之赴哈
爾賓等處謀生者不下萬餘人其於生齒盛衰聚散不無關繫茲將現在
實數查明如左

本境向無旗戶故不錄

闔邑共四萬一千一百二十五戶

男共一十二萬八千五百一十三口

女共一十三萬一千三百零五口

男女共合二十五萬九千八百一十八口

田賦

額定錢糧除沙壓水沖災緩外計光緒三十三年分上下兩忙實徵正銀一萬五千四百九十五兩九錢六分耗銀一千零八十五兩四錢七分衛地丁銀一千零五十五兩九錢七分耗銀四十六兩一錢五分八釐額徵漕米除災緩外計光緒三十三年實徵米五千四百一十六石九斗零三合

鹽法

額銷引六十六百八十九道共徵課銀一千六百三十九兩三錢四分一毫二絲一忽

氏族

孔 至聖苗裔世居孔家莊草寺等村今傳七十五代

展 和聖展禽後世居展家窪衡魚等村至今傳七十四代

有 先賢有子後世居東故社有家莊自承襲博士後移居域裡今傳七十六代

冉 先賢冉子後世居冉家莊辛鎮等莊今傳七十六代

孟 亞聖孟子後由鄒邑遷入今傳七十四代

邱 先儒左邱明後世居衡魚等村為本境望族今傳七十四代

藥 漢郗侯藥布後元延祐間遷入今傳二十四代

王 一為隋文中子王通後居張家店有奉祀生憑照其遷居年代無考

一為明進士王納諫後明初由山西洪洞遷入散居西南鄉為邑望族今傳十八代

張 一為元狀元張起巖後居城南白雲橋等莊今傳二十四代一為明教諭張濂後永樂時自南直遷入世居百尺等莊今傳十八代

題

元宗室國變後流於肥筮厥姓得題字世居西南鄉白莊其遷居平

尹 明初自山西洪洞縣遷入子姓繁衍散處四鄉為邑巨族今傳二十代

李 明初自福建莆田縣遷入子姓繁衍散處四鄉為邑巨族今傳二十代

朱 明永樂間自山西洪洞縣遷入世居湖屯陶陽村等莊為邑望族今傳十七代

田 明洪武間自直隸北平遷入世居儒隱村蔣莊等村為邑望族今傳十八代

陰 明永樂間自山西洪洞縣遷入世居屯頭張里莊等莊為邑望族今傳十九代

趙明初自直隸棗強縣遷入世居王晉義陽等莊為邑望族今傳十八代
安明中葉自山西洪洞縣遷入世居石崗東張等莊為邑望族今傳十

七代

董明初自山西洪洞縣遷入世居柳灘丁家屯等莊為邑望族今傳二十代

孫明初自淮安遷入世居孫家莊巧山店等莊為邑望族今傳十八代
周明初自曲阜遷入世居里留柱祀等等莊今傳十八代

宗教

肥境向無回教而崇尚佛教者頗多大抵皆粗俗無道行而未能深悉教中之宗旨問其誰為黃教誰為紅教彼亦不能自為區別統謂為喇嘛教云爾

喇嘛教一百三十五人

天主教五百六十八人教堂五處法國人立
耶穌教一百零四人教堂二處一英國人立一美國人立

實業

肥城風俗重詩書勤稼穡惟商務不甚講求業商者大抵以屑須資本貿易於本境及附近鄰境從未有富商大賈在中外商埠爭利權者至於工藝頗亦精良然亦多視為賤業而不思與外人競技巧故四民以工商為最少近赴東三省等處謀生者其在外為農為工為商亦未易調查約以計之則士居十之一五農居十之七工商共居十之一五焉

鄉土志卷之七

地理

縣治在省城西南一百六十里在府城正西九十里東至泰安縣界二十
五里西至平陰縣界四十五里南至泰安縣界六十里北至長清縣界二
十里東南至泰安縣界五十里東北至長清縣界六十里西北至莒平縣
界九十里西南至東平州界六十里東西廣七十里南北袤八十里本境
分四鄉三十三社四百七十九村莊

榆城鄉東界泰安北界長清西界北申社南界安臨社為附郭之區坊廓
社二十二莊自城至距城沙溝社二十一莊距城東五里至儀仙社十四
莊距城西南七里至雲山社七莊距城西南十里許大封社五莊距城西
至二十里許巧山社十三莊距城南十里許義陽社二十六莊距城南二十
里許不等

許不以上七社一百零八莊

鸞翔鄉東界義陽社南界泰安西界東平北界顏村社為縣西南方之區

東禮社二十二莊距城西南二十五里許至城西南三十五里

安臨社十九莊距城西南四十里許至城西南五十里

社二十一莊距城西南四十里許至城西南五十里

社十二莊距城西南四十里許至城西南五十里

百一十九莊距城西南四十里許至城西南五十里

安樂鄉東界書城社西界平陰南界呂店社北界廣里社為本境正西方

之區高余社三莊距城西南五十里許至城西南六十里

魚社十三莊距城西南四十里許至城西南五十里

北申社十八莊距城西南三十里許至城西南四十里

灣社十一莊距城西南三十里許至城西南四十里

一百零五莊距城西南三十里許至城西南四十里

近鎮社六莊距城西南三十里許至城西南四十里

顏村社十八莊距城西南三十里許至城西南四十里

柳灘社二十三莊距城西南三十里許至城西南四十里

孝德鄉東界陶山之陰西界莊平北界長清南界樂灣社為本境西北方

之區孝山社先名東十二莊距城西北六十里至北流社十莊距城西北六十里至

里許不等廣里社十三莊距城西北六十里至傅家岸社十八莊距城西北七十

里許不等感化社十二莊距城西北六十里至阜興社十七莊距城西北七十

里許不等居仁社十三莊距城西北七十里至東興社十五莊距城西北七十

里許不等西流社十八莊距城西北七十里至崇德社十莊距城西北八十

以上十社一百四十七莊

古蹟

肥子國在縣西十里金牛山下于慎行岱吹圖記黃山又西三十里為金

牛之山上有龍淵下有肥子之國

古平陰城在縣西北境廣里北

謹城在縣西南境

鑄城在縣西南境

京茲在縣西北境

邾城在縣西北境

以上皆互詳歷史以遺址無存未能確指其處因其為周時地名故錄之
長城在城北二十里竹書紀年周顯王十八年齊築防為長城 見前
廣里即縣西北六十里廣里莊 見前

防門即縣西北六十里防頭莊 見前

榆城山東通志在肥城西南郭外各社即隋時析置之榆山縣也今城南
二十五里有紫榆山當即其地

石門春秋齊侯鄭伯盟於石門杜注在盧縣西南今邑西北境有石門建
仲夫子祠或傳為子路宿處云

都君莊在城西四十里衡魚相傳為帝舜成都處邑人李廷桂有都君莊詩

曬書城在城西南三十里鳳凰山之陽相傳孔子經遊處明嘉靖建大成殿以祀孔子有元中旣殘碑明邑人李邦珍碑及名人題詠

過化廟在縣城南五十里六房莊正殿三間中塑孔子像旁列四配相傳孔子經遊處殿前古柏黛色參天數百年舊物知縣史廷桂有過化廟咏柏詩

大成書院在縣城西南三十里曬書城院中古柏數十株參天蔽日境殊幽勝明萬厯間有邑人李邦珍撰書重修碑記

和聖故里在城西南七十里展家窪村俱展姓有明知縣王惟精書和聖

故里碑記按泰安縣有柳里村亦謂和聖故里有墓焉或國策秦伐齊今有敢去柳下李盤五十五步推揀者死無故相傳即其處亦有祠

有子故里在城西北八十里東興社有家莊乾隆五十一年學使趙佑會

同一撫衍聖公奏聞以七十二代孫有守業為五經博士承襲今遷居

城裏

丹子故里在城西南二十五里丹家莊有明知縣王惟精書丹子故里碑
孝里在縣西北七十里東張社孝堂山下因漢孝子郭巨奉母避難於此
鄉民感之因名其里曰孝里山曰孝堂山有明張宗旭張中翼過孝里詩
石刻

楊氏義居在城南三里刁家屯楊此四世同居處有邑人李完碑記

句窳亭在縣西四十餘里漢章帝元和二年鳳凰見肥城句窳亭楊樹上今地
瞻岱亭在縣治東北其地高聳有元張起巖碑記亭傾圮光緒二十
八年知縣陳恩禽重修之

鸞臺在縣署東漢元和中建以鳳凰集此故名乾隆己丑教諭顏懋价立石
全道義臺金皇統中有二劉張李四義兄弟築臺於縣西北嶺額曰全道
義臺今圮

資聖院在城西十里金牛山南面宋咸平元年僧廣就創建大中祥符元

平賜額宋真宗東封駕幸此地改山名曰鬱蔥故府志作鬱蔥寺

龍沼在資聖院西康熙中舊志亦謂之五龍池相傳龍潛其中禱雨輒應其水甘冽異常

同川書院在資聖院西明督御史李邦珍建有聚樂堂悠然臺環翠亭鍾秀山房甘露池丈夫石諸勝蹟又有古藤大數圍其後齋塑像其中旁為書舍院中多有名人碑記詩刻為一邑勝境

金峯書屋在同川書院東明御史尹庭建至國朝其後裔貢生尹勛重建教二子文麒文澤讀書其中相繼登第有金峯書屋記名人題詠載邑乘今圯

元張起巖讀書處在金牛山資聖院西北獐猴崖今僅存遺址

王平子讀書處在金牛山資聖院南勒字石崖上

按秦安人王慶字平子以順治丙戌進士舉官

至總督倉場時部

儒隱村在城西北三里明田井授舊居邑人李邦珍為之撰記焉

止齋 國朝拔貢樂條建在金牛山後書堂峪所謂後山書院者是也
普濟院在城東十里沙溝宋時建規模宏大今雖頽廢遺蹟猶存廟內
雲溪觀在城東南十八里石塢莊東北俗名三教寺四山環抱門臨沙河
左右古木叢雜亦勝境也有元大德五年創修碑

惠濟禪院在城南三十里張家南陽內有北齊太寧年間造佛像碑又有
金大定四年尚書禮部牒北齊碑俗傳為飛來石人妄也殆好事者自他
處移之耳

洞靈觀在城西三十里陶山東北麓奇峯屏列雜樹鬱蔥廟額石刻為隋
王通題

東幽寺在洞靈觀西舊名天王萬歲佛寺有大柱四寺宇三重古柏數株
岱覽云圖經記陶山有二崦左曰東幽右曰西幽由來舊矣

護國永寧宮在陶山東麓康熙間劉文質撰碑云明萬曆間有羽士周姓為後宮宗人賜封真人敕建此宮額曰護國永寧奉關帝及萬應金容左為五福觀右為報恩宮十二重樓六月六日建醮賽會士女雲集五福觀殿內古柏二株大數抱供洪範五福像觀外小橋流水致為清邃報恩宮門前溪澗縈迴南有亭亭左有泉甚清冽宮西墜廣數丈瀑布飛瀉東崕之水於此南下

十二重樓明末鎮守太監為母祈福所築旋經兵燹僅存四重四壁

呂祖團瓢在陶山東麓明天啟間有羽士曲全善東光人來此感夢募化鳩工創建團瓢供奉呂祖工成仙去今成村落即命名團瓢水秀山明亦一勝境也

西幽寺舊名幽棲寺在陶山西崕唐時供佛而祀范少伯於其石棟宇崇麗六椽石柱凡八皆雕鏤花紋

竹林寺在陶山西庵俗呼無影寺有石室在懸崖峭壁間薛澄曾級蘿葛
延緣旁有井泉曰無影洞右有瀑布崖

石佛寺在城西六十五里石橫福山上相傳七佛傳燈處有明邑人李邦珍碑
石魚石鼓在城北六十里大峯山魚鼓洞高踞懸崖去地數十尺
攀杖而上按次以擊鼓聲逢逢魚聲錚錚響滿洞谷鼓不異而魚若參以
金聲造物之鍾靈不測如此邑人方印有記

聖佛寺禪院在城西萬壑山下宋崇寧二年建後遭兵燹存一石佛元大
德間有僧桂菴蒞化構成大刹

水月寺在城南五十里南鳳凰山之陽今僅存故址有井大旱不涸故地
名井峪

空杏寺在城南三十里唐有一衲子來此植杏一株於中庭杏熟而核自
落還復合之顯顯圓成因名

崇果寺在城西南五十五里固留社俗因呼為固留寺宋時建舊名複香寺因有卧佛亦名卧佛寺有宋元明名人撰刻俱苔蘚侵蝕不甚可辨大明禪院在城西南辛鎮寺廢僅存石柱有大鐘一口移置城內大關帝廟南極菴在城東十五里亦名壽星菴明時建李邦珍記

櫻桃峪在城西北四里金牛山東北麓削壁若屏古柏陰翳曲折而入境極清幽明邑人李邦弼創建玉皇殿王母殿其後人李運昌於康熙間構客舍書堂以為文人遊憩讀書之所王母殿前澹池名曰小瑤池泉水清冽自中外瀉與院外溪澗會流雖大旱不涸又棹柿干雲藤蘿蔽日真別開一洞天也李氏子孫世守而時修之今於光緒三十二年閏族籌貲立為高等小學堂

迴佛寺在城西二十里明成化年建在陶牛二山之間林木森然流泉自湧一形勝地也

上元寺在城南四十五里安臨站白家桁金大定年建廟甚宏殿前有閣有塔高出林表

會通寺舊在城內明嘉靖間遷於南郭至 國朝為僧會司住持所北向為火神廟故時有修葺

保真菴在城南三里刁家屯菴久廢有金大定間殘碑碑首云東平府東平縣鸞翔鄉肥城村保真菴田園記今此碑尚在村外

昇仙臺在城西北四十五里大峯山箬箕掌古雲峯菴東菴久廢臺猶存其地有泉自石壁間出其聲冷冷然似銅壺滴漏古木十章境殊幽勝保障門在東南郭外建置年代無考今漸圯

康王墓在城西南五十里龍莊有明時重修故王墓碑凡四舊志皆云康王無考然平陰關濟臺東北亦有康王墓肥城城河亦曰康王河則康王之號由來久矣

周王墓在城南二十五里儀陽社周山

梁王墓在城南三十里獨龍山陽

秦王墓在城南五十里六房社秦王塔以上五墓皆無考

冉子父母墓在陶山陽野村即今之龍莊東原志冉子父母名在冉子父母碑

陶山陽野村甲辰母卒與父合葬即其地也

左子墓在縣西南五十里衡魚魏書地理志富城有左邱明塚

范少伯墓在陶山幽棲寺後有唐貞觀八年碑旁有小塚土人指為西施

墓好事者為之也

漢孝子郭巨墓在孝山堂頂

董卓墓廣輿記輿圖備考俱載肥城紫榆山南有董卓墓按後漢書卓臨

死陳尸於中守人燃火濟中照耀達曙積日諸哀門生聚董氏之尸焚之揚於路後李權等殺王允為卓報仇葬之於郡何以數千里移葬於此蓋

信也

劉東海墓在衡魚村據碑蓋金元之際陣亡者墓則設衣冠之葬也

馮尚書墓在東故社賀家村東俗呼為石虎林今僅有石羊一漸沒土中
九女墳在城西五里曹家莊東北

明教諭李衡墓在城東里許衡聊城人洪武時為肥教諭卒於官無子諸
弟子營葬於此嗣後邑人尹相湯捐地三十畝為祭田

明孝子趙讓墓在城東北二里魚池村西今村人感其孝相與醵金作為
修墓祭祀之資生員陰慶榜等為之經理其事

明河南布政使張謹墓在城西南二里

明陝西右參議盧應楨墓在城西二里石坊及石馬石羊俱存

明右都御史李邦珍祖墓在城北三里沙河東墓表為大學士徐階撰邦
珍墓在城北五里沙河西諭祭諸碑及翁仲石馬石羊俱存

明監察御史尹庭墓在城東五里百尺莊東

明河南右參議孟成已墓在城南五里石坊諭祭碑翁仲羊馬俱存

明雄縣知縣王約鍊墓在城東十五里

明沅江通判尹東周墓在城西北九十里

明神童羅國雍墓在城東十五里羅家析有萬曆年間碑

按碑云神童生而岐嶷六歲知

反切八歲能文日覽萬言十三歲入庠補廩學院范以神童上聞
神宗命刻所賦詩文卷狀義若十篇由是天下知名十七歲卒

監察御史尹文麒墓戶部郎中尹文澤墓在城東五里

孝子田希舜墓在城西北三里

陝西布政使唐仲冕母墓在陶山陽仲冕墓在陶山西仲冕妻墓在陶山東

前任知縣吳樹聲墓在沙溝社程家莊

前任知縣梁康辰墓在沙溝鎮南一里

前任知縣鄧承照墓在城東孤山之陽

附金石 以年代先後為次

漢

孝堂山郭巨祠畫像

無年月以題名在永建四年於前

永建四年孝山堂郭巨祠畫像

邵善君題字

按金石錄尚有建安風雨竹石刻

舊在龍莊廟今移廟大成殿後壁舊傳

關公從袁紹軍訪尋昭烈至此所作

北齊

大冪二年造佛像題名碑

在城東南三十里義陽社志濟寺

武平元年隴東王感孝頌石

刻在郭巨祠中思邈撰梁恭之書末一行又書居士

隋

洞靈觀三大字在洞靈觀王通書

唐

貞觀元年石鼎題字

在城西龍莊廟呼為高磁鼎趙懷相造佛像記無年月上刻三

佛造已殘缺俗呼貞觀碑

天授元年劉懷口等造石浮圖像並刻普門品經碑

在城山木塔

皇廟碑作六校字多致缺
 天作而投作松年作中
 是武開元八年張令臣造浮圖記
 開皇二十三年楊傑
 謁郭巨祠記
 石柱前人著錄中尚有晉永康元
 年生齊天保九年各題名
 大順元年佛頂尊勝陀羅尼經幢
 在城南五十里東六唐莊
 范彝墓碑
 在陶山貞觀八年僧人刻之
 東張古塔殘字
 年日已漫滅塔制
 此附於
 宋鑄書不賜書自宋以後擇文字可傳者載之
 天禧二年戊午經幢
 在沙溝院
 熙寧七年資聖院碑
 在金牛山資聖落石泉
 詩石刻在同川書
 熙寧八年侯武修浮圖題字
 在塔山元豐六年楊景
 略謁郭巨祠碑
 在郭崇寧三年塔山靈迹碑
 在塔山五皇廟
 崇寧五年重修復香寺碑
 在崇寧寺香龕座題名
 在城西湖南湖政和四年

九女墳佛係經幢

在城西三里七墳前

宣和二年竹林寺摩崖碑

在陶山西朝陽洞字多刻悉

優婆夷阿劉造石浮圖銘

在陶山幽棲寺後無年月疑是宋以前製

金

天會六年崇果寺劉常夫詩石刻

在崇果寺

大定六年故律師初公山主塔銘

在幽棲寺後新都制汾陽縣開國男致仕郭好

撰并書法直通魯公又出入徐季海可寶貴也

大定八年保真菴田園

記殘碑

在城西 大定十九年劉仲傑詩石刻

在幽棲寺 大定二十四年大明祥

院鐘

寶綱帶廟

明昌元年佛頂尊勝神咒經幢

善友張智地之墓後書清河張瑋書

元

中統口年大成書院殘碑

在雙善城大成書院碑存

至元三年杏壇篆書

在文廟大成殿前

至元四年肥城增修公廡碑

王復撰許遠書 至元二十三年宋

良甫菜園記碑

在城西西六十里高余村大字經

至元三十年肇修肥城

廟學碑

在文廟李

大德十一年立加封大成至聖文宣王詔并記

在文廟

書

大德口年抹漢遺愛碑

王載

至元五年瞻岱亭碑

在縣署東北文廟後依起巖撰

明

嘉靖六年御製程子四箴註解各石刻

在文廟文

成化十七年重修儒學

碑

貴溪通倫撰

嘉靖三十三年築隄底績碑

在縣治儀門外袁士奇撰

又縣

令王乾元七律詩碑

前有

嘉靖三十五年重修城隍廟碑

尹庭撰

嘉靖

三十七年重修迎恩橋碑

橋在北門外碑在城隍廟照壁西北尹庭撰

李

掌撰書碑碣名著

嘉靖四十年修城碑銘

李攀龍撰

又重修孝里鋪碑

龍撰

萬曆五年李邦珍圭山贊

在金牛山西南南峯頂石陡高數尺如圭形

十數

天啟三年起羣倫四大字石刻

在龍莊廟

天啟三年王惟精書

虞世南關夫子風雨竹譜

在龍莊廟

崇禎三年奎星閣紀勝詩石刻

廟奎星樓宋

光緒撰并書

文

祠廟

本境祠廟林立書不勝書茲擇有古蹟可攷及鄉民所崇奉者
若文廟成陰閣帝諸祠廟之昭著皆詳載邑乘茲概從缺

龍神廟在縣署後乾隆開創修知縣李品鎬撰書碑記

有子祠在縣署西北大街東

左邱子祠在縣署東南邱氏奉祀生奉祀漢建武六年十七世孫邱堂左傳精舍
志序稱左傳精舍此即故址

冉子祠在城西南三十里冉家莊中祀五冉以東平公居首

八蜡廟舊在塔山土明嘉靖二十二年知縣蘇廷舉改建於城東僉事袁

士奇撰碑

碑在東關外
泰山行宮

今移西南郭外

劉猛將軍廟在城西南郭外雍正六年建

和聖祠在城西南六十里展家窪展氏奉祀生奉祀

忠親王祠在牛山賞聖院東偏同治七年建今圯

媯皇廟在陶山東小秦山北有崇禎元年楚北閔之衡真草隸篆詩石刻

石廟在小秦山供碧霞元君六月六日遠近村民祈賽於此

天齊廟在城西八里北儀仙有宏治十年張文質撰碑歲三月二十八日賽會商賈雲集

泰山行宮俗曰娘娘廟所在多有最著為北門外明邑人王庭建四月八日賽會商賈雲集進香者不絕於途

玉皇廟所在多有最著為城西南三十里鳳凰山頂玉皇閣順治四年張養謙記明季避亂事有碑

樂王廟在城西三十五里興隆莊四月十五日賽會士女雲集有數百里外來進香者

二郎神祠在城西二十里大封莊有明成化間知縣林建鏞撰碑又有乾隆間尹統重修碑記頗寓譏諷之意

坊表

邑志共載三十八坊然猶多遺漏茲擇載數坊以示表揚之義其有不甚著名及已傾圮者概從闕

四牌樓在四隅首明嘉靖三十四年浙江道監察御史李邦珍湖廣道監察御史尹庭立

柱史坊在縣署西北明嘉靖三十九年為浙江道監察御史李邦珍立
飛鳥乘驄坊在城裏明嘉靖年間為密雲知縣尹天民湖廣道監察御史尹庭立

敕贈坊在縣署西北明嘉靖四十三年為贈河南道監察御史李第立
龍章奕世坊在縣署西南明天啟元年為敕贈中憲大夫河南右叅政孟鸞孟知性立

清朝諫議坊在縣署西南明天啟元年為戶科給事中孟成己立

錦川粘合先塋石坊元至順三年在城西南固留社草寺村前

盧家林坊在城西二里楊家莊前為明副使盧應楨立

掖垣持憲坊在城西五里曹家莊為禮科給事中尹文麒立

教書袁忠坊在城西南鄉石橫莊北山墜前為贈中憲大夫尹鴻擴立

進士坊在南門裏明崇禎三年為進士雄縣知縣王納諫立

節孝坊在儒隱村北為節婦杜氏孝子田希舜立

天恩褒節坊在城西北六十里東張莊為節婦鄭氏立

橋梁

迎恩橋在武定門外明嘉靖義陽橋在城南二十五里張氏橋在城南三十

里崇禎年有明南廣濟橋在城南四十里鄭家西廣濟橋在城西四十里東

紫雲橋在城西南四十里龍莊白雲橋在城南二十五里西付村青雲橋

一名步雲橋在城西四十年重修碑在城南三十里許迷山南也頭集北有

南三十里西禮村神夢橋在城南三十里許迷山南也頭集北有

人感夢而義和橋在城西七十里潘莊下臨深湖北接通衢自黃趙家

建者故名義和橋在城西七十里潘莊下臨深湖北接通衢自黃趙家

橋在城西北九十里范公橋即崔家橋在城西九十里乾衡魚

橋在城西南五十里同修范公橋即崔家橋在城西九十里乾衡魚

市鎮

潮泉在城東二十里 石塢集在城東二十里 義陽集在城南二十里 通衢在城南二十五里 安臨站在城南四十里
 首在城南六十里 辛鎮在城南二十里 魯里在城南三十里 屯頭集在城南四十里
 王莊集在城西五里 演馬莊在城西五里 繁盛在城西五里 衡魚集在城西五里 張家店在城西五里
 大市儀仙集在城西五里 王瓜店在城西五里 樂灣集在城西五里 孝里鋪在城西五里
 東市儀仙集在城西五里 石橫在城西五里 馬家集在城西五里 張家店在城西五里
 高賈輻輳在城西五里 石橫在城西五里 樂灣集在城西五里 孝里鋪在城西五里
 一北街道在城西五里 傅家岸集在城西五里 馬家集在城西五里 孝里鋪在城西五里
 一大市場在城西五里 傅家岸集在城西五里 馬家集在城西五里 孝里鋪在城西五里

學堂

官立高等小學堂一處在城內大街路西光緒三十年立
 民立高等小學堂一處在城西北櫻桃峪光緒三十二年立
 官立初等小學堂五處一在城內城隍廟一在城南安臨站一在城西南
 演馬莊一在城西石橫莊一在城西北李里鋪

民立初等小學堂十處一在城內北門裏一在縣署後龍神廟一在城內城隍廟街一在東關一在城西石橫一在城西湖也一在城西張家店東街一在張家店西街一在城西陶山東麓報恩宮現議改為高等一在西北申社曹家莊

山

環肥諸山皆分泰岱之餘脈然一縣之中自有主山肥以牛山為大陶次之東西為左右翼北為衛南遠近拱立此山之大較也

金牛山在城西北距城三里至十里二十里許不等宋真宗臨幸錫名鬱葱山疊嶂參差翠如點黛林壑之美自昔稱最山之中峪距城八里初入山有文昌閣不一里突起一岡為印山沿溪北行為資聖院院西為金峯書屋屋後為金牛洞洞西高亢處為同川書院又西為龍沼東北為落石泉下瀉為河西北為獐猴崖上有老鷹石西嶺最高處為木閣皆頗據形

勝相傳為黃巢踞處然不可攻若西有石曰迎仙石西南麓為大紅澗
小紅澗土石皆赤大紅澗北曰峇山南為老僧峯西為紅山頭與陶山東嶺之小
泰山相連此山之陽也山陰為書堂峪與長清接壤而山之東麓為山神
廟入東北為櫻桃峪乃金山之大概焉
陶山在城西三十里一名鵝夷山高五里有奇負陰抱陽方稜四削有東
西二崦左右環列如屏障山上有洞相傳為七十二洞多深窈不可窮洵
為一邑勝境

以上二山居邑之正位山之最大者

孫家嶺在城東二十六里毘連泰安境

黃山在城東二十五里毘連泰安境上有黃巢砦相傳為黃巢屯兵處山
之東北麓為肥河發源之所

刀山在城東二十五里黃山西南山頂有石如刀形故名下即三布口通

鑿晉太元十一年太山太守張願叛弋祝阿之甕口慕容垂遣慕容德擊之至斗城願自保三布口即此圖經云三布口在肥城縣東與泰山相近砦山在城東北十里有石砦故名砦山又名張山砦山迤東為冬冬峪甲子峪

谷山在城東十里黃山南孤峭特起故又名曰孤山山嶺有穴深不可測有柏一株亭亭如蓋十里外即望見之山之陽有泉名谷山泉極甘洌流而為谷山河

彈子山在城東七里谷山西南山產五色石子光圓如珠故名

塔山在城東南七里彈子山西南上有玉皇廟中有石塔名白浮圖建自唐時禱雨輒應

杏木嶺在城東十五里俗名五道嶺自北而南橫亘於肥之東境石屋山在城東南二十里山頂有石屋故名迤東有石屋洞洞內有泉冬

月不涸

五道嶺在城北十二里南北徑八里山南隸肥城山北隸長清以長城為界康河發源此山為南北孔道

以上諸山在牛山之東自北而南自東而西接長清泰安縣界

雲山在城西二十里木閣砦後山前有大剎曰迴佛寺

虎豹山在城西五十里陶山之右下為虎豹川昆連平陰境

天井山在城西四十五里

娛兒山在城西五十里又名吳兒嶺

福山在城西六十里石橫西北俗名石廟山山腰立石大書飛來二字石

壁題七佛傳燈四字上有春秋閣奎星樓

望口山在城七十里石枕黃河頗據形勝

以上諸山在牛山之西自北而南接平陰縣界

大峯山在城西北四十五里峭壁峻嶒鬱然深秀南為巖箕掌東有玃璣洞北為金蟾洞西為天麻峪上有昇仙臺又有石魚石鼓形狀奇異亦邑中一勝境也

孝堂山在城西北七十里即巫山春秋齊侯望晉師處

七佛山在孝堂山北上有雲臺寺山下有新立安瀾村

科羅山與孝堂山相對巖穴玲瓏上有仙人掌仙人牀仙人甕諸勝

郝山在城西北七十里

鳳山俗呼鳳凰山在城西北六十里

黃崖山在城西北六十里昆連長清界

以上諸山在牛山之北自西而東接長清縣界

柱子山在城東南四十里又名柱亭山昆連泰安境

青陽山在城東南四十里形似髻故亦名了髻山

突翠山在城東南三十里

瀑布山在城南四十里上有天峪旁有嶺蜿蜒唐李白送王山人歸布山即此讀史方輿紀要云瀑布山瀑水懸崖五十餘丈泰安縣志有金瀑山蓋一山而分兩界者也

湧泉山在城東南三十五里中有空杏寺

周山在城東南三十五里下有周王墓

紫榆山在城南二十五里植榆皆紫

巧山在城南十五里山在地中隱現無常故名巧山

光山在城南三十里有孫贖洞

南馬山在城南四十里兩山相對如二馬然又作馬尾山下有清泉出馬考山在城南二十五里

蛛山在城南三十里上有育英書院亦名蜘蛛山

丹鳳山在城南五十五里與青龍山相距六里丹山為鳳凰所自出故名丹鳳山

青龍山與丹鳳山相望士人建廟其上蒼松翠柏蔚然深秀亦遊覽一勝概也

九仙山在城南六十里上有九峯似蓮瓣又名九頂蓮花山產蝎尾九節與他產異山之陽為泰安境

望魯山在城南五十八里長亘五里許登絕頂可望兗州故名山陽為泰安境中為秦王峪北有龍泉寺故址寺東南水流汨汨冬月不涸即龍泉也

肥豬山在城南五十里懸崖如削東北為風谷洞循崖南行三里有仙人洞

虎門山在城南四十里形如虎下有虎洞故名

鳳凰山在城南五十里安臨社山峻峭多洞惟雞腦洞產紋石其紋理似腦故名雞腦石取石必腰斧捺附而上鑿而出之故不可得
白雲山在城西南二十五里山腹有洞曰白雲洞
狼山在城南五十里明置狼屯

鳳凰山在城西南三十里漢章帝時鳳凰集此故名上有曠書城

園山在城西南二十五里舊名鳳翔山上有石牆如園故名

迷山在城西南三十五里山陽為屯頭

仁貴山在城西南四十里張里莊西山陰有古墓相傳為遼王墓然不可考

黑虎山在城西南六十五里上任莊

以上諸山在牛山之南自東而西接秦安寧陽東平界

水水分南北兩條中以陶牛為界陶牛以南肥河為經陶牛以北清河為緯其餘支流別沐悉貫注焉惟沙河河南入於汶自成一支不得入肥河

肥河發源於黃山東北麓至泰安魚池入縣境向東北流逕雲漢觀沙溝鎮至孫家莊轉向西南逕何家莊東西付村至辛鎮莊後又正西流逕顏村魯里至紙坊復西南流逕白家樓呂店李留莊後又正西流逕野場紅廟至東衡魚西大廟窪與衡魚河會流逕衡魚橋入平陰界蜿蜒約百餘里為肥境第一大河

谷山河源發於城東十里谷山西南流至沙溝鎮入肥河

溝河源出於城東南十里潮泉合谷山河入肥河

康王河亦名康河發源城北五道嶺諸山遠城東而南至李家屯入肥河
牛山諸河一發源於資聖院後逕儀仙蔣莊至王瓜店前入肥河一發源牛山東北麓南流逕儒隱村至李家屯前入肥河

羣仙河發源於雲山及牛山西南麓南流逕穆莊王瓜店至顏村北入肥河

東里河發源於白雲山之陽逕尚禮莊顧家莊東里村屯頭至韓家莊入肥河

泌水岱覽云泌水發源於陶山東崦西南流橫過山前山中及西崦之水皆會焉入於肥水西南匯為白銀河歸東平運河水經注汶水又西南為泌水注之水出肥城東北自源西南流逕肥城縣故城南樂正子春謂其弟子曰子適齊過肥肥有君子焉即此左逕白窰亭北又西南流注於汶

衡魚河出城西南衡魚社會鹽河諸泉西南流逕姚家橋衡魚橋共行二十五里入平陰界又西流逕徐家橋曲家橋入東平州界

穆家河發源於小紅山南麓西南流逕董莊鋪賈家莊至湖屯入衡魚河

柳灘河在城西南柳灘社入衡魚河

鹽河泉及書城等二十泉皆發源於湖屯馬房興隆莊一帶西南流入衡

魚河

以上諸水皆在陶牛二山之南流入肥河及衡魚河者也

大清河實汶水故道自咸豐五年黃水北徙大清河為黃水所經至今皆呼為黃河自劉官莊流入肥境逕望口山傅家岸方家園至安家道口入長清境肥境之水可行船者惟此

曹家窪河發源於縣西北六十里感化社西由太平莊入大清河

黃崖河發源於黃崖一帶至孝里舖西北入大清河

范公河在縣西北九十里邱王窪南過平陰界由趙王枯河入大清河
仙人井在黃崖莊舊無水鄉人掘井恒不得泉忽有素不相識人來指示此處掘之甘泉湧出欲酬之覓其人不得遂名之曰仙人井

以上諸水皆在陶牛山後流入大清河者也

沙河一名小會河出安臨站諸山南流逕辛家莊界首入泰安縣會龍王
坤溫等泉入汶俗呼為溝水又名安寧河

道路

邑境東北多山無通衢故獨不錄

由縣治而正東渡康河十里至白浮圖又十里潮泉舖又五里入泰安境

正東無支路

由縣治而正北五里至五里墩渡康河又十里至大石舖又五里過長城

嶺入長清境

正北無支路

由縣治而正西七里至北儀仙又八里至穆莊又五里至朱家莊又十五里陶陽村又十里至興隆莊又五里至湖屯又五里至高余又三里至石橫又五里至砦山頭入平陰境

正西支路由北儀仙十里至王瓜店又十里至潘家臺過肥河又八里至紙房又十里至紅廟又五里至衡魚又五里陳家屯入平陰界

北路稍偏於南

由縣治而正南八里過肥河又五里至劉家莊又十里至儀陽又八里至王晉又十里至安臨站又五里至丹鳳山又八里至界首又二里入泰安

境

正南支路由安臨站而西南十里至六房又十五至程莊入秦安界

北路編於西

由縣而東南五里至北尺莊又五里至沙溝渡肥河又十里至石屋莊又

十里過橫嶺又五里至周王墓又五里至柱子村入秦安境

東南無支路

由縣治而西南八里至儀仙又八里至辛家廟又七里過肥河至辛鎮又

十里過鳳凰山至曬書城又六里至西里村又十里至崇果寺又五里至

王莊又五里至五里屯入東平州境

西南支路由辛鎮四里至冉子故里又十二里過迷山至七頭集又十里

至伏莊又十二里至演馬莊又八里至展家窪入東平州境

由縣治而西北十里至馬莊又十里至大封又十三里至張家店又五里

至山陽鋪又五里至四科樹入平陰境又十里遷平陰之毛家鋪至興隆

鎮復入肥境又五里過虎豹川又八里至廣里又五里至東張又三里至

孝里鋪又四里至下把入長清西北支路由廣里十五里至龐家道口渡
黃河至傅家岸又西五里入平陰境

西北三十五里至崔家河莊入茌平境一由興隆鎮而西十里至樂灣又
六里至望口山渡黃河又八里至傅家寨入平陰境又五里至有家莊復
入肥城境又六里至牛角店復入平陰境

鄉土志卷之八

物產

動物天然產

獸類則馬牛驢騾犬羊豕貓鼠鼯狐兔狸獾索駝豺狼皆恆有之每春夏之交狼時為村民害則以近山之故也禽類則雞鴨鵝鶻鵲鳩鷹鴟燕雁鷓鴣鷓鴣脊令家雀黃鸝烏鴉鷺鷥山雞鷓鴣又有俗名黑馬勺者五更則鳴殆喚起之類又有一種鳥形似雞鳴似哭聞者以為不祥山中恆有城市中則未之見也蟲類則蝴蝶蜘蛛螳螂土蜂蜜蜂桑蠶椿蠶蝗蝻蟻蚧蟋蟀皆恆有之近來蟋蟀一種且以特好而為出境暢銷之一品焉毒蟲則有蜥蜴蛇蝠蚰蜒等物而蝎尤最多故城東彈子山俗名蝎子山而城南九仙山所產尾九節入藥力倍常蝎鱗類則為鯉魴鯽鮓鮎然不常有惟大清河常有之康肥等河雖有亦無大者介類則蟹蝦蛤螺螻蝻

隨驚蚊諸物雖不甚多然亦坑池中所恆有也

植物天然產

五穀則麥黍稷粟穀名豆稗葛俗名高粱玉蜀黍薏苡脂麻之屬凡恆有者無不有而麥粟最宜惟不宜稻西南鄉窪下之區間有種者木則楊柳桑榆椿楸桐梓松栢檜槐棟竹皆恆有惟種樹之利尚待講求果則羊棗櫻桃柿梨柰李栗山查核桃石榴銀杏葡萄文官果無花果皆為美品惟桃最著名近來東西洋諸國亦莫不知有肥桃者而固留呂店鳳山諸社所植尤佳杏亦俊物獨龍山空杏寺之杏獨無核杏熟核自落亦奇矣蔬類則葫茄蔥蒜菠苣芡菘菜菔蔓菁金針諸常蔬無不有而頗村之晚菘俗名白菜虎門之賽川椒尤為特產而為出境之大宗焉藥類則車前蒼耳茵陳薄荷半夏兔絲首烏荆芥紅花黃精枸杞狼毒黃芩牽牛括萸旋覆花皂刺山藥皆有而牛黃香附為尤佳焉至瓜則曰東曰西曰甜曰

絲曰王曰菜曰北不一其類而王晉之甜瓜述山之西瓜尤為特產焉至於草類則山草水草濕草蔓草毒草香草皆有花則萃芳譜所收入北地所恆有者悉備錄不勝錄他若菸葉鴉片靛青花生等物亦皆隨地種植可獲厚利者也蘇麻兩項間有種植者然為數甚少不足供本境之用

動物製造產

羊毛羊絨本境僅以製毡近半為外人購販故價日加昂羊皮一項雖有以製皮襖者而法甚笨拙不過輕暖之宜故與牛皮一項近多販售於外若絲則不過繅以土法以製為絹其大宗多半運售於外而凡毛羽之物其足供製造料者皆因不識其理由而棄之若遺焉

植物製造產

五穀惟麥最佳作各種食品以供本境之用黃豆芝蔴長生菓以之製油其渣為餅行消本境並販運他境粟米高粱蕃薯等以之造酒行消本境

棉則種植最少全境資以紡紗製布者大都販售於高唐臨清諸處蠶絲則出產雖少而近日逐漸振興則每歲運售於省垣青島諸處者頗獲厚利其以土法製絹者不過少數而已木則其性質堅且大者或以作葬具或以作梁棟或以作大小車其尋常材木則以作各種器具要皆粗笨者居其多數至於削木條以編筐筥等器剝楷劈葦若石屋之瓣草帽伊家溝未家莊之織席者近且日增日盛而為製造品之大宗焉

礦物天然產

五金煤炭諸礦向無勘驗者亦無開採者惟鍊石為灰以供本境修葺之用而羅家窰等村之搏土燒為瓦器者若甕若盆皆為販運出境之大宗焉

鄉土志卷之九

商務

輸出品

鴉片為本境之特產在末行減種以前每歲土商之販運於外境及直隸東三省等處大商至本境購買者約進銀十餘萬兩近則日就蕭疏矣他若豆油豆餅長菓油皆為行銷外境之大宗每歲約輸進銀萬餘兩焉左穀惟麥麩可以外銷每歲車運於省垣者不下四五十萬斤約值銀二萬兩酒店頗屬繁盛雖近以糧價日漲多至閉歇而行銷於長清等處者約進銀二萬兩此皆特別之利源也其次則晚菘蕃薯長生果每屆冬春以牛車肩挑販運於濟南東昌等處約亦歲進銀萬餘兩又次則牛皮猪鬃及石屋之草帽運銷於省垣青島煙臺各商埠者亦歲約進銀萬餘兩又次則秦苑椿芽紅棗賽川椒及楸栢樹之可作葬具者運銷於徐兗濟曹

等處亦歲入銀萬餘兩至若猪之運售於濟南東昌牛之運售於河西諸州縣者亦歲進銀萬餘兩而菸葉之運於河西靛青之運於泰安沂州蜜貨皆元器之運於臨清東昌及蠶絲之運於濟南周村青島亦歲約進銀七八千兩此皆出境貨之大較也其他零星貨物則錄不勝錄惟特產之桃遠近著名每歲出境者約值銀數千兩近來東西洋人亦有至本境購取者使廣為種植則銷暢日盛一日其進款固未可量也至若銀行錢店城鄉亦皆繁盛但資本無多賴紙幣以周轉往往出紙幣數萬而資本不過數千偶一折閱即行歇閉商民因皆受其害而紙幣遂成廢紙此商務之大弊不可不嚴行防杜者也

輸入品

肥境多山陸運惟艱故商業不暢輸入之品以高唐臨清諸處之棉花為大宗每歲約出銀二萬兩其次則洋布洋油煤炭火柴洋綢緞及一切洋

式器具大抵皆由本境坐商販自省垣周村濰縣青島等商埠零銷本境每歲約出銀五萬餘兩他若藥材來自豫州彰德等處估衣來自臨清冀州等處皮襖來自臨清甘肅張家口等處茶葉來自霍山等處麻來自泰安等處以及紙糖桐油瓷器漆銅錫各器具洋廣各雜貨坐商及外商之運入者亦歲約出銀七八萬兩而五穀之自他境運入者惟豆為最多大米及芝麻次之大抵皆自濟甯運入歲約出銀二萬餘兩其他零星貨物則枚不勝舉也總之肥境地狹人稠輸出之品遠不敵輸入之品近因鴉片減種進款日絀其無形之漏卮關繫非淺使即蠶桑種植製造各實業及時提倡而振興之數年之後猶可抵制外貨且可抽貲以辦新政人何憚而不為哉若因循遷就坐視貨棄於地而長此不治竊恐數年以後肥境貧瘠之現象不堪思議矣

美
子
三
一
八

周禮地官一冊大司徒以天下土地之圖周知九州地輿廣輪之數辨其山林川澤邱陵墳行原隰之名物與其人民戶口而造縣鄙形體之法則遂人實掌之用以篤近舉遠舉勸學務農通商惠工卅路關市諸政其有闕治平之養者莫不次第備舉天下雖大戶口雖繁不啻家諭戶曉而治猶運掌焉此成周盛時所以克致刑措也自秦不師古土宜土均土會之法壞地守地均地貢之令紊而田制之起於井邑邱甸兵制之起於伍兩卒旅民制之起於比閭族黨貢舉之起於鄉舉里選亦因之俱隳自是厥後國民之文化沈退不進者垂數千年 國家有鑒於此亟以維新者復中古之隆規斬使人讀有用之書以勵實業期養成國民資格而郡國利病方輿記要等書猶慮其卷帙浩繁難為幼學之初階於是本遠人遺意以鄉土志之修布告天下又次其門類定其義例務歸於詳該簡明俾天下之幼學開卷了然易知易明不禁景仰前哲摩挲輿圖發動其愛國之

忱而歷史輿地格致諸科學亦即基礎於是焉他日學成致用由一鄉以推及天下所謂修其教不易其俗齊其政不異其宜者自必有以善其措置則是志之關係豈淺鮮哉適鍾邑侯來令斯土百廢俱興尤深知此舉之切要特囑增生陰炳煥附生田重森訓導尹祚章與煦廣為搜羅詳加參考煦等生未學夙慚陋又愧聞見太隘而采輯不詳然於朝廷化民成俗之意則實夙夜仰體而不敢不勉以竊附遂人之末也時光緒戊申夏四月優廩生李傳煦謹跋